



## МЕСЯЦА МАРТА ВО 2-Й ДЕНЬ

Празднование Пресвятѣй Богородице в честь  
чудотворныя Ея иконы, нарицаемыя  
«Державная»

НА МАЛОЙ ВЕЧЕРНИ

На Господи, воззвах: **стихиры, глас 6:**

**Н**еоборимую стѣну стяжавше, / не яко миролюбцы, но яко вернии, / припадаем к Владычице Дѣве / и воспоем, братие, предстательство Той.

Яко рабѣ, Тебѣ, Пречистая, взываем: / не отвержи ны, молящихся Ти, / но оградѣ нас покровом Твоим.

Потщися, Царице Благодатная, / услыши молитву мою, / и песнь хваления моего да придет пред Тя.

Кто возглаголет силы Твоя, Пречистая? / Ймамы Тя, Владычицу нашу, / и николиже устрашимся непокоривых сынов.

**Слава, и ныне, глас 5:**

Святѣйшая Херувим и вѣсшая Серафим / воистинну, Богородице, Ты еси. / Вемы Тя, Заступницу нашу, / Ты же не престаѣй о нас молящи, / Державо и Прибежище душам нашим.

**Прокимен дне.**

**На стиховне стихиры, глас 8:**

Дивное иконы Твоея явлѣние, / Богородице Пренепорочная, славословим днесь / и Твое заступлѣ-

ние нам празднуем./ Мати бо сущи Животá,/ мóлиши о нас Христа, Бóга нáшего,/ на Тя ед́иную надéжду возлож́ивших,/ Путево́дительнице не-лóжная нáшего спасéния.

**Стих:** Помяну́ имя Твое́/ во всяком рóде и рóде.

Отлож́им, вёрнии, печáль:/ се бо вторáя неопá-  
ли́мая купина́,/ ико́на Богома́тере,/ людьми́ пра-  
восла́вными зр́имая,/ на спасéние грéшных явля́-  
ется.

**Стих:** Слы́ши, Дщи, и виждь,/ и приклонí у́хо  
Твое́.

Светíся, светíся, Но́вый Иерусали́ме,/ и ра́дуй-  
теся, убóзии,/ я́ко неруши́м есть Сио́н/ и Мати  
Бóга нáшего посреде́ лю́дий Свои́х.

### Сла́ва, и ны́не, глас 6:

Свётлое днесь Засту́пницы нáшей настá торже-  
ствó:/ да възгра́ется тварь,/ да ликовствую́т  
челове́честии собо́ри,/ созывáет бо нас Свята́я  
Богоро́дица ви́дети ико́ну Свою́,/ лучáми ми́лости  
вся правосла́вныя освещáющую./ Тёмже, ра́ду-  
ющеся, вопи́ем:/ спасí и нас, Пренепоро́чная,/  
вёрных чад земли́ Твоея́.

**Тропа́рь пи́сан на вели́цей вече́рни.**

### НА ВЕЛИ́ЦЕЙ ВЕЧÉРНИ

**На Го́споди, воззва́х: стихи́ры, глас 4:**

И рыда́х, и взыва́х к Тебе́, Влады́чице,/ но не  
возмо́гл есть глас мой,/ и заглуши́ся вопль мой от  
пото́ка грех мои́х,/ и ка́ко умолю́ Тя?/ Са́ма у́бо  
даждь ми моли́тву и сохрани́ раба́ Твоего́./ Изше  
се́рдце моё и стру́пием\* испещри́ся глава́ моя́,  
изнемо́госте от мра́ка о́чи мои́х,/ и уязвен есмь в  
глежню́\*\* мою́,/ но Ты, я́ко Держáвная,/ спасí мя и  
пода́ждь ми ве́лию ми́лость.

### Ины́ стихи́ры, глас то́йже:

Непра́вда, я́ко мо́ре, скры́ зёмлю́ Твою́,/ и ны́не  
лю́те потопля́еми есмь́,/ но Ты простри́ десни́цу  
Твою́,/ и, я́ко Всехва́льная, поста́ви ны на ка́мене

\* стру́пием — ранами

\*\* глежнь — пята

вѣры, / и спасі ны, Владычице, спасі ны, / и утверди посреде нас державу Твою.

**З**миенравно днесь показуется стадо Твое, / яко ветром, обуреваемы есмы / и не можем терпети, / но Ты, яко Благая, утиши воды пререкания / и не отвержи раб Своих, / сохраняя нам и присно милость Твою. / Аще не Ты, Богородительнице, паче всех превознесенная, / аще не Ты, о Стено нерушимая и мірове Радосте, / кто убо умолит за ны Сына Твоего, Христа Бога нашего, / да помилует сокрушенных сердцем и скорбных людей Своих. / Пред Тем же и буди Ходатаица неусыпная и спасі нас.

**П**риидите, вси вернии, / и, купно соборы сотворше, / возопийм Державней Владычице / и тако к Ней возглаголем: / вси неключими есмы, / и того ради припадаем к Ти, / и молим Тя со дерзновением и верою, зовуще: / не презри нас, окаянных, / потщися на умоление и спасі вся православныя.

### **Слава, и ныне, глас тойже:**

**Н**е надейтесь на князи преходящая: / ничесо бо возмогут и, сыны человечести и суть, / изыдут, яко былие, и никтоже их помянет, / но молитесь, братие, молитесь, / и примет вы под кров Своей Матерь Бога нашего, / и упокоимся, людие, под ризою Той.

**Вход. Прокимен дне и чтения (зри страницы 359—360).**

### **На литии стихиры, глас 1:**

**С**трашен есть гнев Господень, / на вся смертныя належаш, / но того ради показуется днесь и заступление верным: / се бо прииде Благодатная во спасение людем Своим, / и несть возможий сокрушити стадо Той, / зане всему мірови Владычица есть.

### **Слава, и ныне, глас тойже:**

**П**равды Вѣшняя чающе, / не о сем рыдайте, яко истязуеми есте, / и воскликните тако: / вемы, яко окаяни есмы, / но не до конца прогневайся на ны, / молитвами же Богородицы спасі и вся православныя.

### На стиховне стихиры, глас 6:

Дева была еси Отроковица смиренна, / днесь же показуешися нам яко Царица и Матерь всяческих, / и, тому дивящися, восклицаем Ти: / како страшна есть тайна сия, / и како достойно восхвалим Тя, Преплагую, / но, яко Небеса к земле приклоньшая / и землю даже до Небес возведшая, / спаси, Богородице, люди Твоя / и Сама сохрани стадо Твое.

**Стих:** Преславная глаголашася о Тебе, / Граде Божий.

Исполнися, Благодатная, милости / и услыши ны, молящияся Ти / и тако Ти глаголющая: / возрадуйся, Христа Бога рождающая, / зане ублажат Тя вси роды / и восхвалят Тя всяческая, / воистинну бо несокрушима есть Держава Твоя.

**Стих:** Яко избра Господь Сиона изволи и в жилище Себе.

Свят еси, Господи, / и Матерь Твоя, яко овча, бысть смиренна / и того ради красно днесь преукрасися, / паче всех Безплотных есть слава Твоя, / не подвижится убо и сохранит ны, / яко Всесильна.

### Слава, и ныне, глас тойже:

Како воспоем Тя, Владычицу Деву, / и како наречем Тя, Матерь Света неизреченна и неприступна, / но воистинну Богородица Ты еси, / и хвадно и прославлено имя Твое / и ныне, и во век веков, / и по скончании века.

### Тропарь, глас 4:

**Г**рада Сионска взыскующе, / под Твой покров, Дево Чистая, днесь притекаем, / и никтоже возможет на ны, / яко несть град силен, аще не Сущаго Бога, / и несть ина крепость, аще не милость Владычицы Девы.

### НА УТРЕНИ

#### По 1-м стихословии седален, глас 2:

Глас плача слышен есть на Сионе, / и рыдание велие воздвизаемо есть во стогнах святых. / О Владычице Дево, услыши я, Твоими бо люди изливаемы суть, / и спаси град опустошенный.

**Слава, и ныне, глас тойже:**

**В** поношении устен и во обдержании языком есмь, / вси бо преогорчихом Царя, Сына Твоего, / и Той посетит ны прещением Своим, / но умоли, Дево Пречистая, от Тя Рождшагося, / и, аще не до конца прогневался есть, / процветет град опустошенный.

**По 2-м стихословии седален, глас 7:**

**Востани, Владычице, востани,** / и облечется Сион в крепость свою, / и вода желчная будет нам, яко мед, / напитаемся, людие, теснотами, иже от Зиждителя суть, / и восхвалим, поюще, Державу Твою, / яко нескончаема есть.

**Слава, и ныне, глас тойже:**

**Страшно** есть приражение змия, / клеветник бо и убийца есть исконити, / и того ради Тя, о Царнице и Дево, молим и не престанем молящи, / зане вемы о Тебе, яко о семени Твоем того глава блюдется / и Держава Твоя нескончаема есть.

**Величание:**

**Величаем** Тя, / Пресвятая Дево, / Богоизбранная Отроковице, / и чтим Державный образ святыни Твоея, / иже подаеши велию милость / всем, с верою к нему притекающим.

**По полиелееи седален, глас 4:**

**Аще** и едину каплю милости Твоея одождиши ми, Всечистая, / не возможет язык мой достойно Тя возвеличить, / но паче меры и неизреченна есть благодать Твоя, / и пою славу Твою, / яко воистинну Мати Божия Ты еси.

**Степенна, 1-й антифон 4-го гласа. Прокимен, глас 4:** Помяну имя Твое / во всяком роде и роде.  
**Стих:** Отрыгну сердце мое слово благо, глаголю аз дела моя Царевни. **В** всякое дыхание: **Евангелие от Луки, зачало 4.**

**По 50-м псалме, стихира, глас 6:**

**Не** имамы инья помощи, / не имамы инья надежды, / разве Тебе, Владычице, / Ты нам помо-

зи, / на Тебѣ надѣемся / и Тобою хва́лимся, / Твой бо есмь рабы, да не постыдимся.

**Канон, егоже краестрочие:** Спаси, Богородице, правосла́вную зѣмлю и сохрани́ лю́ди Твоя́. **Глас 4.**

### Песнь 1

**Ирмос:** *Отвѣрзу уста́ моя́, / и напóлнятся Духа, / и слово отры́гну Цари́це Ма́тери, / и явлю́ся, свѣтло торжеству́я, / и воспóю, раду́ясь, То́я чудеса́.*

Самоизмышлѣнная па́губа покрýла есть всю зѣмлю Твою́, / и мрак вѣлий воцари́ся днесь в вертограде Твоём. / Тя́жко ми есть, и рыдаю Тебѣ, Ма́ти Пречы́стая, / и, а́ще услы́шиши, ничесóже устрашúся, и воспóю и́мя Твое́, / сла́вно бо просла́вися.

Покая́нию научи́ мя, Влады́чице, / да день и ночь излию́ слѣзы моя́ / и да смире́н от враг мо́их воскликну Тебѣ: / никто́же чист, разве Тебѣ, Отрокови́це Чы́стая, / и сохрани́т мя Держа́ва Твоя́, / сла́вно бо просла́вися.

Аз из глубины́ зол мо́их вопию́ Ти, / и не премолчи́т стон мой пред Тобою: / виждь, о, виждь, Влады́чице Де́во, и не отвѣржи мене́, / услы́ши úбо вопль гла́са моего́ и покрýй мя ризо́ю смиренномúдри́я Твоего́, / сла́вно бо просла́вися.

Суд гнѣвен при́де на ны, / и разсы́пся ра́дость люде́й Твоих, / вси бо пла́чем и рыда́ем и тако глаго́лем: / о мечу́ Бо́жий, доко́ле не упоко́ишися? / Преста́ни úбо, пощади́ ны, и воспóем Держа́ву Влады́чицы на́шея, / сла́вно бо просла́вися.

Из но́щи дел прѣлести погуби́ша ны, / пал есть Сио́н, и заключѣни есмь; / Иерусали́ме, Иерусали́ме, почто́ тако омрачи́лся еси́? / Того́ же ра́ди и возопи́м Влады́чице си́це: / то́кмо Твоя́ Держа́ва сохрани́т ны, сла́вно бо просла́вися.

**Катавасия по уставу.**

### Песнь 3

**Ирмос:** *Твоя́ песносло́вцы, Богородице, / живы́й и незави́стный Исто́чнице, / лик себе́ совоку́пльши́я, духо́вно утверди́, / в Божѣственной Твое́й сла́ве / венце́в сла́вы сподо́би.*

**Обольсті** мя змий, клеветник бо есть, / и, душевредное в себе насаждая, смутилось сердце мое. / Яко мертв, пребываю и кийми словесы о себе возрыдаю? / Но Тя молю, Владычице, молю и глаголю: / обладай над ним и от греха моего очисти мя.

**Горьким** плачем моим, яко воду, излию сердце мое, / сокрушение мое яко жертва Тебе, и молю Тя, Пречистая: / ей, не отврати мене, раба Твоего, / сохрани убо и до последнего дне.

**Очи** мой померкните от язвы моея, / и утруді мя бремя мое. / Идѣже есть слава моя? / И заключи мене недруг и враг, / аз же, яко милость, приемлю узы моя и пою, веселяся: / никто убо, яко Бог, вознесет Сый Христа Своего и Матерь Его, Владычицу нашу.

**Руководение** подаждь ми, Нищепитательнице, / и озари мя светом, еже от Тебе во истощании просиявшим. / О Богородице и Мати Бога моего, / буди же и мне заступлением верным.

**Душетленными** помыслы люте стужаемь есмь, и тяжко ми есть. / Не ли презриши раба Твоего? / Молю убо Тя, Пречистая: / изведи мя от гноища моего, / исцели раны моя и спаси мя, Владычице, спаси мя.

### **Седален, глас 3:**

**О** Лествице неизреченна и преизрядна, / яко же и лествица, юже виде праотец, с Небесы нисходящу, / тако и Ты, Богоневесто, Небо и землю сочетавшая, / Восхождение Ты еси, имже и упасемся от бед.

### **Слава, и ныне, глас тойже:**

**Христа** Бога и Сына Твоего, между двою разбойнику на Кресте висима, зряще, / горько рыдала еси, Мати, / и жало вниде в сердце Твое. / О Владычице Дево, болѣзнующи убо Сама, / спаси днесь вся удрученныя, истязуемая люди Твоя.

### **Песнь 4**

**Ирмос:** Седяй в славе на Престоле Божества, / во облаце легце / прииде Иисус Пребожественный / Нетленною Дланию и спасе зовущия: / слава, Христе, силе Твоей.

**И**стоцáние прииде на рабы Тво́я, / и дом наш оста́вися пра́зден и пуст. / Хождú и взывáю, но несть ми спаса́юща, / еди́на úбо смерть отве́щавáет на глас мой, / и, рыдáя, молю́ Тя и глаго́лю: / не отве́ржи мене́ и Ты, Де́во Чы́стая, / да спасе́н бúду.

**Ц**ветоно́сную простри́, Влады́чице, ру́ку Твою́, и оживе́т вертогра́д Твой, / и ни́щии обря́щут хлéбы сво́я, и убóзии рíзы сво́я, / и вси восхва́лят и́мя Твое́, / я́ко вои́стинну неизрече́нна есть ми́лость Тво́я.

**Е**гда́ восхо́щеси, никто́же сокруши́т ны, / я́ко вели́кое дерзнове́ние обрела́ еси́ у Христа́ Бо́га, Сы́на Твоего́, / и, си́е зря́ще, вопие́м Ти, Влады́чице, / да сохра́ниши и ны под кро́вом Твоим.

**П**равосла́внии христиáны, под Твою́ ми́лость днесь притека́ем / и, явлéние честны́я ико́ны Твое́я свéтло праздну́юще, си́це глаго́лем Тебе́: / простира́еши и нам, Благода́тная, необори́мую рíзу Свою́.

**Р**азуме́йте, непокори́вии язы́цы, / и не хвалíteся о мýшце сво́ей, / занé еди́н есть град несокруши́м, / и си́я Тво́я, Присноде́во Влады́чице, Держáва и Цáрство, / е́же и стои́т до сконча́ния ве́ка.

**А**з, егда́ и во úзех, но Тобо́ю, Отрокови́це Чы́стая, вь́ну свобóдь есмь, / и не в страх ми умале́ние моё́ есть, / но я́ко злáту—горни́ло и огонь, / си́е бо разуме́я, сла́влю úзы мо́я / и велича́ю Тя, Непоро́чную Де́ву.

## Песнь 5

**Ирмо́с:** Ужасóшася вся́ческая / о Божéственной сла́ве Тво́ей: / Ты бо, Неискусобра́чная Де́во, / имела́ еси́ во утробе́ над все́ми Бо́га / и родила́ еси́ Безлётнаго Сы́на, / всем воспева́ющим Тя / мир подава́ющая.

**В**одворя́ет ны зми́й во юдо́ль пла́ча и чая́ний злых. / Не мо́жем úбо терпéти ско́рби сво́я, / но Ты, Богороди́тельнице, простира́еши нам покрóв Свой, / и спасе́ни бúдем от зол.

**О**трокови́це Де́во, спасла́ еси́ нас от рабóты вра́жия, / и тем красно́ написáся и́мя Твое́: / Цари́ца мíрови Ты еси́, и Держáва Тво́я да́же до послéднего дне.



**С**вѣта неприступна Мати Ты еси, / и все днесь  
подвѣжися тьма супротивная, / никто же возмóжет  
на ны, яко с нами Владычица наша, / и слава Твоя  
нескончаема есть.

**Л**юдие Божии, друзи моя, / уверуйте во Христа,  
Бога нашего, и в предивно Его Рóждшую, / храняще  
убо заповеди Бога Вышняго / и обрящете  
душам вашим мир и велию милость.

**А**нгели, и ти прославиша Тя, Владычицу  
всяческих и паче Неба Превознесенную, / поют бо  
Христу, Сыну Твоему: / искупил еси люди Твоя, и в  
человецех благоволение.

**В**еличие Твое кто исповесть, Богородице, / яко  
паче смысла родила еси Бога Слова, / и не может  
язык человек достойно Тя пѣти, / но прими  
милостивно молитву мою / и сохрани раба Твоего.

## Песнь 6

**Ирмос:** *Божественное сие и всечестное / совершающе  
празднество, / Богомудрии, Богоматере, /  
приидите, руками восплещим, / от Нея рóждшагося  
Бога славим.*

**Н**очь, и мрак, и воды пререkania люте истязуют  
землю Твою, / се убо прещение Божие и гнев Того  
есть, / но молю Тя, Пречистая, молю и глаголю: /  
аще хощеши — можеш, / и вем, яко умолит Отроковица  
за Державу Свою.

**У**язвимомся от змия, люди Твоя, / и, яко из ада  
чрева, вопиём Ти, Благодатная Дево: / не нам, но  
ради от Тебе избранных и ангельское житие  
возлюбивших, / спаси, Богородице, и вся православныя.

**Ю**зники окованныя\*, / что, о Царице, без Тебе  
возможем / и како от грех своих упасемся? / Но Ты,  
яко Благая, утверди в нас святину Свою / и не  
отвержи молящихся Ти.

**З**атмися солнце мое и дух мой изыде в непотре-  
бие земли, / но темже и вознепщевах\*\* о свете  
Солнца Правды и смирих гордыню мою, / Тебе  
взываю, Дево Чистая, да спасеши раба Твоего.

\* окованныя — связанные, утесненные

\*\* вознепщевах — подумал

**Е**диноумудренни да пребудем, людие, / и да возрадуемся о ранах, / иже от Сотворшаго суть, / яко, наказуя, наказаны Господь, / не смерти убо предаде / и научи разумети волю Свою.

**М**ертвии возстанут, и извержет земля кости своя, / зане всех совоскресит нас истощание Претерпевый, / и Сей есть Царь мiрови, и Матерь Его — Владычица наша.

### Кондак, глас 8:

**В**збранной Воеводе победительныя песни приносим, / яко даровася нам Держава Твоя, и ничесоже утрашимся, / не от мiра бо спасение наше, / но Превознесенныя Владычицы милосердием ограждаемся / и тому днесь радуемся, / яко прииде Заступница на стражу земли Своея.

### Икос:

**З**ряще икону Твою: во облацех — Бога и Отца / и на рудех Твоих — Христа Бога, Сына Твоего и Спаса мiрови, / поклоняемся ко храму Твоему / и, лобызая честныя нозы Твоя, зываем Ти сице: / войстинну даровася нам спасение велие / и надежда наша вину пред нами, / яко прииде Владычица на стражу земли Своея.

### Песнь 7

**Ирмос:** *Не послужиша твари Богомудрии / паче Создавшаго, / но, огненное прещение мужески поправше, / радовахуся, поюще: / препетый отец Господь и Бог, благословен еси.*

**Л**иковствуите, верных собори, и пойте Царевы, / иже на Горных сяду, / яко благословен и дивен есть Бог наш, Великий Ревнитель, / и страшен Горный Сион и прославлен во веки.

**Ю**долию плача земля показася Твоя, / огонь палыц прииде и объят ю, / но не рыдайте, братие, / ибо, яко купина неопалима, храм от Сиона и прославлен во веки.

**И**мамы Тя, Росодательницу, / и николиже утрашимся ветров, от пустынь воздвигаемых, / Тя бо, Пречистую, молим и тако зовем Ти: / оживи вертоград Твой, и будет прославлен во веки.

**С**лѡво лѣстче положиша на мнѣ вразѣи моѣ, / и сокрушаѣет мя рог непокорѣвых. / Друзѣи моѣ, и тѣи оставиша мя; / но не остави мене и Ты, Владѣчице, / и спаси мя, яко Мати Бѡга моего Ты еси, / и храм Твой прославлен во вѣки.

**Обручи** мя, о Приснодѣво, святѣне Своѣй, / и не убоюся от тем враг моих, люте нападших на мя, и тако возопию Ти: / Иерусалиме, Иерусалиме, святѣй еси град и прославлен во вѣки.

**Херувими**, и Серафими, и вся Небесныя вои / поют Тя, Преблагословенную, и, вопиюще, глаголют: / несть храм инѣй, разве Тебѣ, / и сей препрославлен во вѣки.

### Песнь 8

**Ирмос:** *Отроки благочестивыя в пещи / Рождество Богородичо спасло есть; / тогда убо образующее, / ныне же действующее, / вселенную всю воздвизает пѣти Тебѣ: / Господа пойте, дела, / и превозносите Его во вся вѣки.*

**Рыдание** моѣ прими, Владѣчице моѣ, / и угаси огонь, еже от супостат разжженъ есть, / да познаю Бѡга моего и со тщанием воскликну Ему: / пойте и превозносите Его во вѣки.

**Алчущ** есмь, и взываю Ти, Владѣчице, и молю Тя, / да не истлѣние будет ми в честь, но милость Твоя, / тако о ней возглаголю: / благословите, вся дела Господня, Господа, / пойте и превозносите во вѣки.

**Непрестающе** гордыню отженѣи от мене, Благодатная, / и угаси огонь язвы моея, / и, не яко дым, но яко благоухание Господеви, воспою братием моим: / отроцы, благословите, священницы, пойте, / людие, превозносите Господа во вѣки.

**Из пещи** разжжения моего, яко из адава пламени, вопию Ти: / о Владѣчице Дѣво, окропи мя росю слез Твоих, / у Крестѣ Сына Твоего изливаемых, и воскликну, взывая: / благословите Матерь Бѡга Вѣшняго, / Господа пойте и превозносите во вѣки.

**Любомрачное** око моѣ просвети светом смиренномудрия Твоего, / и познаю волю Сотворившаго мя, / и не от мудрования моего, но сердцем моим

воскликну о Нем: / Егó пойте и превозносите во веки.

**Юдуже\*** грех, тамо и скрежет зубом, / но не премолчи, Дѣво Чистая, и даждь ми глагол разумѣнія, / да потерплю бремя мое и воскликну о Бозе, Спасе моем: / благословите, вся дела Господня, Господа, / пойте и превозносите во веки.

### Песнь 9

**Ирмос:** *Всяк земнородный / да възиграется, Духом просвещаемъ, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодево.*

Дыхание бурное не сокрушит и единого от забрал стены Твоея. / Храм Твой утверждён есть и не подвижится вѣну, / и, тому радуящися, поём Ти: / слава Державе Твоей.

Тайная вся обнаженни показуются днесь. / Свят есть суд Твой, о Господи, и свято Имя Твое; / но виждь, Боже, яко среди братьий моих Матерь Твоя, / и преложи гнев Твой.

Всеоружием веры опояши мене, Благодатная, / и смиренномудрием укрепѣ десницу мою, / да, яко страж, пребуду, воспевая имя Твое, / и, аще поможеш ми, не подвижуся даже до смерти.

Огнезрачный жезл Твой, яко пламень чист, / и сим ведѣши, Путеводительнице, люди Твоя, / да соблюдутся от бед христианы.

Ярость адова и та не возможет на ны, / зане свят есть храм Твой / и о семени Твоем клятса Давид, / непрестающа хвала Твоя и Держава Твоя до скончания века.

### Светилен:

Ублажат Тя, Богородительнице, вси роди, / яко смирение Твое паче всех предукрасися, / и увенчася имя Твое, / и прослави Тя Бог, яко Матерь Свою.

### На хвалитех, стихиры, глас 5:

Седящаго на Херувимех носила еси / матерними объятии, / и Той сотвори Державу Твою, / и, сему радуящися, поём Ти: / осанна, Мати Христа.

\* юдуже — где

**Приснодѣвство Твое, яко столп недвижим, / и глава егѡ превыше небѣс, / и сотвори Ти величье Сильный, / днесь мiрови Владычица Ты еси, и поем Ти: / осанна, Мати Христа.**

**Слава, и ныне, глас тойже:**

**Войстинну Богородица Ты еси, / неизреченна есть слава Твоя, / и того ради величаем Тя, / со Херувимы и Серафимы зовуще: / осанна, Мати Христа.**

**Славословіе великое и отпуст.**

#### НА ЛИТУРГИИ

**Блаженны от канона, песни 3-я и 6-я, на восемь. Прокимен, глас 3, песнь Богородицы: Величит душа Моя Господа, / и возрадовася дух Мой о Бозе, Спасе Моём. Стих: Яко призрѣ на смирение Рабы Своея, се бо от ныне ублажат Мя вси роди. Апостол к Филипписіем, зачало 240. Аллилуия, глас 8: Слыши, Дщи, и виждь, и приклони ухо Твое. Стих: Лицу Твоему помолятся богати людстии. Евангелие от Луки, зачало 54. Причастен: Чашу спасения приму:**

**Молитвы зри на страницах 41—42.**



**Ина служба явлению иконы  
Пресвятыя Владычицы нашей Богородицы  
«Державныя»**

**ВЕЧЕР**

**На Господи, воззвах: поставим стихов 8 и поем стихиры, глас 4.**

**Подобен: Яко добля:**

**Я**ко велика сущи Царица и Мати / на Небесі превысоких сил Царя, / пречистыя Твоя рuce простерши, / молебнo за ны предстоиши, / и на земли, яко Державная Помощница, / Божественною Твоею иконою и духом с Твоими рабы пребываеши, / и весело спасаеши, / и избавляеши от всякия напасти / благочестно Богородицу Тя исповедающия.

**Херувимов и Серафимов превъшши еси, Богородице, / Небесэ же и земли пространныйши, / видимыя твари и невидимыя явилася еси преимущи\* / несосудным сосуждением\*\*, / Егѡже бо пространства небеса не вмещают, / в Твоей утробеместила еси, Чистая, / Егѡже моли спастися рабѡм Твоим.**

**О Всемилостивая христіаном Помощнице, / не может Тя воспети достойно ум человеческий и Ангельский, / яко всея твари честнейши, / Небесных и земных славнейши, / всех бо родила еси Творца и Бога. / Но, о Владычице! / прими милостивно, юже Тебѣ от сердца возложихом песнь, / спасай нас всегда, на Тя бо надеемся.**

**Глас 2: Всем представительствуеши, Благая, / прибегающим с верою в державный Твой покров, / иного бо не имамы, грешнии, к Богу в бедах и скорбех присно избавления, / обремененнии грехи многими, / Мати Бога Вышняго, / темже Ти припадаем, / избави от всякаго обстояния рабы Твоя.**

**Упование и покров державный к Тебѣ притекающих, Богородительнице, / благое представительство мира, / моли со Безплотными прилежно, / Егѡже родила еси, Человеколюбнейшаго Бога, / избавитися душам нашим от всякаго прещения, / едина Благословенная.**

**Глас 6: Тебѣ вси роди человечести / хвальныя дары приносят, Владычице, / и молятся яко Царице и Матери Божии, / пророцы Тя премудро проповѣдаша, / левити благословиша, / апостоли и мученицы исповѣдаша, / христоименити людие поклоняются, / архиереи проповѣдуют, / монаси и прости благоговѣют, / богати и убозии, сироты и вдовы, / и всяк возраст, и всяко преспеяние, старческое и младенческое, / под кров Твой державный с верою прибегаем: / покрый и соблюди, Господже, молитвами Твоими / и спаси от бед души наша.**

**Всем Предстательница теплая показалася еси, Богородительнице, / всех покров, Держава же от Бога прибегающим к Тебѣ, / в нуждах сущим**

\* преимущи — превъше, превосходнее

\*\* несосудным сосуждением — несмешенным смешением

Помощница, / пленённым скорое избавление, / Тебё бо Христос на варвары положил есть Мстительницу, / и Заступницу, и стену нерушимую, / и немощным крепость непреоборимую, / и мира Подательницу душам нашим.

**Глас 8:** Приидите, возрадуемся Державней Заступнице рода нашего, / Царице Богородице, / приидите, тихому Ея и чудному, почитаемому Ангелы / честному поклонимся образу, / дарует бо Богородица верным обильныя дары целёбныя, / от неистощимаго источника — святыя иконы, / неоскудную благодать источаючи, / тьмы избавляет нас искушений и бед и всякаго греха, / благочестно и богоприятно прославляющих / и чтущих светлую и чудную Богоматере святую икону. / Тем, воспевающе, воззовём Первообразней: / радуйся, любезная миру Помоще / во спасение душ наших.

**Слава, и ныне, Богородичен, глас 4:** Иже Тебё ради Богоотец, пророк Давид:

**Вход. Прокимен дне и чтёния (зри страницы 359—360)**

### **На литии стихиры, глас 1:**

Любовию, Чистая Дёво, / Твою святую икону почитающим, / и Божью Тя истинную Матерь согласно возвещающим, / и верно поклоняющим Ти ся / Хранительница явися и Державная Предстательница, / всякое зло от сих удаляючи, / яко вся могущая.

Да имя Твоё, Богородице, / на земли славословится, / Иже из Тебё просияв / грешником державную надежду и стену Тя дарова: / Тобою бо всякое дыханье к Богу притекает.

### **Слава, и ныне, глас 5:**

Вострубим трубою песней, / воспойм согласно / Заступнице страны нашей, / Царице Богородице: / радуйся, благоволением Твоим отечество наше / от лет древних венчавшая / и благодать тому источающая. / Темже и пречистый Твой покров / и памяти тьмами тем \* чудес Твоих / Церковь наша Россій-

\* тьмами тем — великим множеством

ская светло празднует./ Не отыми́ убо от нас, о Владычице,/ и ныне милости Тво́я,/ при́зри на скорбь и тесноту́ нашу/ и воздвигни нас державным заступлени́ем Тво́им.

### На стиховне стихи́ры, глас 3:

**Приидите**, вси концы́ земли,/ честную́ ико́ну Бо́жия Ма́тере ублажи́м,/ и́бо, ру́це к Сы́ну возде́ючи, мо́лится./ Те́мже святы́м и державным Ея́ предста́тельством/ мир оживле́н бысть,/ псалмы́, и пеньми, и пёснями духо́вными/ со все́ми святы́ми празднуем све́тло.

**Стих:** Помяну́ и́мя Твоё/ во вся́ком ро́де и ро́де.

**Вельми́** добро́тою украси́ Тя Бог,/ я́ко в челове́цах Свет на руку́ Твоёю,/ Я́же еди́на во Све́те Егó,/ упова́ние христиа́ном,/ Помо́щница су́щим в ну́ждах и ско́рбех/ и приста́нище в пучи́не тружда́ющимся,/ моли́ изба́виться от напа́стей/ любо́вию пою́щим и́мя Твоё, Держа́вная Влады́чице.

**Стих:** Слы́ши, Дщи, и виждь,/ и приклони́ у́хо Твоё.

**Все́честное** Твоё и державное и́мя,/ Пресвята́я Де́во Чи́стая,/ А́нгел мно́жество на Небесе́х/ и челове́ческий род на земли́ блажи́т,/ я́ко Ма́ти бысть Творца́ всех, Христа́ Бо́га./ Того́ моля́щи за ны не преста́й, мо́лим Тя,/ и́же на Тя с Богом упова́ние возложихом,/ Богоро́дице Препета́я и Неискусобра́чная.

### Сла́ва, и ны́не, глас то́йже:

**Прибе́жище** и си́ла на́ша, Богоро́дице,/ держа́вная по́мощь ми́ра,/ моли́твами Тво́ими покрый рабы́ Тво́я/ от вся́кия ну́жды,/ еди́на Благослове́нная.

### Тропа́рь, глас 4:

**А**нгелов ли́цы благоговейно Тебе́ служат,/ и вся Небе́сныя си́лы немолчными гласы́ Тя ублажа́ют,/ Богоро́дице Де́во,/ усердно мо́лим Тя, Влады́чице:/ да пребу́дет Божественная благода́ть/ на честней ико́не Твоёй Державней,/ и светоза́рный луч сла́вы чудес Тво́их да нисхо́дит от нея́/ на всех, с ве́рою Тебе́ моля́щихся/ и вопию́щих Бо́гу: аллилу́ия.



## НА УТРЕНИ

**На Бог Господь: тропарь, трижды.**

**По 1-м стихословии седален, глас 6:**

Святая Владычице Богородице, / Христа Бога нашего Мати, / яко всех Творца неизреченно рождающая, / молися всегда благодати Его, страстей нас избавити / и оставление нам дати грехов.

**Слава Отцу, и Сыну, и Святому Духу:**

Прегрешений пучиною обуреваемы, / к тихому пристанищу пречистой Твоей молитвы прибег, Богородительнице, взываю Ти: / спаси мя, державную Твою простерши десницу рабу Твоему, Всенепорочная.

**И ныне, и присно, и во веки веков. Аминь.**

Надежду мира, Благая Богородице Дево, / Твое и едино страшное предстательство движем, / умилосердися на беспомощных люди, / умоли милостивого Бога избавитися душам нашим от всякаго прещения, / едина Благословенная.

**По 2-м стихословии седален, глас 4:**

Ты еси похвала и венец святым всем, о Царице! / Ты упование наше и Помощница по Боже, / и на Тя надежду спасения нашего возложихом вси. / Тебе молимся, яко Божии Матери: / одожди грешным рабом Твоим богатыя Твоя душеспасительныя милости.

**Слава Отцу, и Сыну, и Святому Духу:**

Недвижимое утверждение веры и честный дар душ наших, / Богородицу песнями величаем, вернии: / радуйся, Камень жизни во чреве Твоем вместившая; / радуйся, конец надеждо, скорбящих заступление. / Радуйся, Невесто Невестная.

**И ныне, и присно, и во веки веков. Аминь.**

Всех Царя и Творца зачэнши, Дево, родила еси / и се ныне, якоже Царица, одесную Сего, Чистая, предстоиши. / Темже молю Тя: / шуия части избави мя в час Суда и десным овцам сопричти.

**Величание:**

**Достойно есть / величати Тя: (общее Богородице), или сие:**

**Достойно есть / величати Тя, / Богородице, / земли Русския Царицу Небесную / и людей православных / Владычицу Державную.**

**По полиелёи седален, глас 4:**

**Господьственно и истинно, Богородице, молящися, яко Мати, со дерзновением Сыну Твоему и Богу нашему, / сохрани люди, изрядно к покрову Твоему притекающие, / в Тебе Державу имущия, к Тебе прибегающие — / Пристанищу, Стенё, единому Предстательству рода человеческого.**

**Слава, и ныне, тойже.**

**Таже степенна, 1-й антифон 4-го гласа. Прокимен, глас 4: Помяну имя Твое / во всяком роде и роде. Стих: Слыши, Дщи, и виждь, и приклони ухо Твое. Всякое дыхание: Евангелие от Луки, начало 4.**

**По 50-м псалме стихира, глас 6:**

**Призри на ны, Всепетая Богородице, / возсияй просвещение сердцам омраченным, / и озари стадо Твое, Пречистая, / елико бо хочещи и можещи, / яко Мати сущи Зиждителя Твоего, / и возопий молящим Тя: / Аз есмь с вами, и никтоже на вы.**

**Канон, глас 8.****Песнь 1**

**Ирмос: Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.**

**От земнородных возрастши и Зиждителя рождши, / радуясь, наша похвало, Богородице Чистая, / Тя, яко обладающую тварьми, величаем.**

**Своего приемши Содетеля, яко Сам восхотё, / от безсеменнаго Твоего чрева паче ума воплощаем, Чистая, / тварей воистинну явилася еси Владычица.**

**Пречистая Богородице, / Тобою спасение нетленно даровася / и неразрушимо веселие и надеж-**

да, покрѡв и Держава / и душам нашим прибежище.

**Царица** еси всех еди́на, / Бо́гу, Богородительнице Чистая, святы́й престѡл и палáта Христа́ Бо́га, / Егѡже моли́ о чту́щих ико́ну Твою́ честную, / подáти грехѡв оставлѣние.

**Буди** нам по́мощь, Твоим рабѡм, Влады́чице Чистая, / вѣрно моля́щим Тя, я́ко мѣлостива, / и державны нас воздвѣгни, во е́же пѣти Тя.

**Спасáеши**, я́ко мѡжеши, прѣсно всех, / я́ко рѡждши Влады́ку, / влады́чества мя слáстнаго и страстѣй свободѣ, да пою́, раду́ясь: / раду́йся, Престѡле Вѣшняго, Благословѣнная.

**Катавасія:** *Отвѣрзу уста́ моя:*

### Песнь 3

**Ирмос:** *Небѣснаго крѡга Верхотворче, Гѡсподи, / и Цѣркве Зиждителю, / Ты менѣ утверди́ в любви́ Твоей, / желáний краю́, вѣрных утверждѣние, / Еди́не Человеколѡбче.*

**Наде́ждо** мѣру державная, покрѡве и предста́тельство, Всесвятáя Дѣво, / не прѣзри, Благáя, молѣния рабѡв, / от любви́ Тя прѣсно ублажа́ющих.

**Воплѡщся** от утрѡбы Твоея́ Гѡспѡдь, гѡспѡдствуя твáрию, / и Тебѣ, Дѣво, Гѡспѡжѡу показáв видимым же всем и невидимым, / я́ко Мáтерь прославля́я Непорѡчную.

**Маріе**, честное Влады́ки прѣтелище, / возста́ви ны, пáдшия в про́пасть лѡтаго отчáяния, и прегрешѣний, и скорбѣй, / Ты бо еси́ грѣшных спасѣние, и по́мощь, и державное предста́тельство / и спасáеши рабы́ Твоя́.

**Сущая** Влады́чица нáша, Всесвятáя Дѣво, / моля́щи не прѣстáй, Егѡже родилá еси́, Бо́га, / Цáрствія Своего́ нас сподѡбити.

**Князь** мѣрный прѣиде на престѡл Давѣдов, / цáрствуя из Тебѣ, Богорѡдице, Бог воплоща́емь. / О, чѡдо! / и, брань разре́шь, почтѣ князи моавѣтскія / и Тебѣ, Рѡждшую, Цари́цу показá.

**Цари́це** Дѣво, / рѡждшая Царя́ Христа́, / ущѣдри и спасѣ́ мя, страстьми́ преклонѣннаго, / вѣроу утверди́ и наста́ви мя ко спасѣ́ния стезѣ, вѣрных спасѣ́ние.

### Седáлен, глас 4:

**Да** открýеши нам всем мнóжество Твоея мýлости/ и блáгости безпредéльную пучýну,/ грехý рабóв Твоých вся изглáди./ Ымаши бо, Всенепорóчная, я́ко Мáти Бóжия, власть над создáнием/ и сýлою Твоею извóдиши вся, я́ко хóщеши,/ ýбо благодáть Дýха Святáго, я́ве всельшáяся в Тя,/ содéйствует Ти во всем, прýсно Всеблáженнейшáя.

### Песнь 4

**Ирмос:** *Услýшах, Гóсподи,/ смотрénия Твоегó тáинство,/ разумéх делá Твоя/ и прослáвих Твое Божество.*

**Тя,** Богоневéсто, похвалý всем Христóс яví/ и Державу, поющим вéрно Твое тáинство.

**Стáнем** благоговéино в домý Бóга нáшего и возопи́м:/ рáдуйся, мýру Влады́чице,/ рáдуйся, Мари́е, Госпожé всех нас;/ рáдуйся, едýна непорóчная в женах и дóбрая;/ рáдуйся, стóлпе óгненный, вводя́щий в Вы́шнюю жизнь челове́чество.

**Прибéжище,** Застýпницу и сýльный покрóв Тя имýще,/ Благословénная Пречýстая Мáти Бóжия./ Твоею пóмоцию и покрóвом Божéственным сохрани́ нас.

**Дéво** господоименítая и Цари́ца всея́ твáри,/ мнóгими прорóки пронаречénная и рóждшáя Царя́ Небéсных сил,/ Цáрствия Небéснаго, Госпожé, всех нас сподóби молýтвами Твоými.

**Чýны** áнгельския удивлáет, Богорóдице, тáйны Твоея́ глубинá,/ бéсы же смущáет Твоя́ икóна,/ ёйже мы клáняемся, чтýще Тя, Бóжию Мáтерь.

**Вýсшую** Херувýм и всея́ твáри восхвáлим,/ Едýну, рóждшóю Зиждýтеля и Гóспода/ и отвéрзшóю двéри рáйския нам.

**К Тебé** прибега́ю, Едýней Держáвней, вéрных покрóву,/ на Тя надéжду возлага́ю спасénия моего́,/ Пресвятáя Влады́чице Богорóдице, не прэзри менé.

## Песнь 5

**Ирмос:** *Просвети нас повелении Твоими, Господи, / и мышцею Твоею высокою / Твой мир подаждь нам, / Человеколюбче.*

**Богородице, всех Царице, православных похвало, / еретичествоующих шатания разоры, / мир же подаждь чтущим, Пречистая, честный Твой образ.**

**Державным Твоим кровом от враг навета / нас, Чистая, Твоя рабы, сохрани вся невредны, / Тя бо стяжахом едину прибежище в скорбех.**

**Скорейшею молитвою, бодрым Твоим покровом, / державною Твоею, Владычице Чистая, помощь, / ныне соблюди верныя Твоя рабы от всякаго сопротивнаго прилога / и страстей, и прегрешений, и напастей спаси.**

**Царица еси Царя Христа и Господа, / паче слова рождши Разоршаго адова царствия, / Егоже прилежно моли, Отроковице, / Вышняго Царствия сподобити вся, чтущия Тя.**

**Избавляющи явися, Пречистая, от страстей наведения\* и бесов лукавых Твоего раба, / стяжавшаго Тя державное заступление и Предстательницу Непостыдную.**

## Песнь 6

**Ирмос:** *Молитву пролию ко Господу / и Тому возведу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.*

**Преукрашена славою Божественною, / Честная Царица Сыну Своему и Богу предстоит, / спасение душевное нам просящи.**

**Благодетеля рождши, добрых Виновнаго, / благодейния богатство всем источи: / вся бо можещи, / яко сильного в крепости Христа рождши, Богоблаженная.**

**Да придет ныне на ны державная Твоя длань, Владычице, / и чаемая человеческия скорби да избавит нас.**

\* наведения — нападения

**Владычице, Мати Избавителя, / прими молитвы  
Твоих непотребных раб, / имже воздаждь избавле-  
ние грехов / и богоугодныя жизни приятное ис-  
правление.**

**Царица еси всех едина, Богу, Богородительнице  
Чистая, / святыи престол и палата Христа Бога, /  
Егоже моли о чтущих честную икону Твою, /  
подати грехов оставление.**

**Раб, ныне прихожду к Тебе, Матери всех Бога, /  
от всех избавитися напастей моляся. / Но, о  
Богородительнице, / царствующи с Сыном Твоим,  
христианский род сохраняй.**

**Державный Твой покров, Богородительнице, /  
яко Заступница сущи, / даждь ми вскоре, напасть-  
ми одержиму, / и невредна от сих сохрани мя.**

### **Кондак, глас 8:**

**В**збранней Воеводе, Заступнице нашей Держав-  
ней, / песни благодарственные приносим о  
даровании нам иконы Ея святыя, / еюже огражда-  
еми, ничесоже устрашимся, / не от человек бо  
спасение наше, / но Преблагословенныя Владычи-  
цы милосердием. / Темже днес радуемся и праз-  
днуем светло, / яко прииде Державная на стражу  
земли Своея.

### **Ин кондак, глас тойже:**

**И**збранней от всех родов Заступнице рода  
Христианскаго, / покровом Своея благости по-  
крывающей страну нашу православную, / благо-  
дарственные пения приносим Ти, Владычице, / о  
явлении нам чудныя иконы Твоея Державныя. /  
Ты же, яко Всемилостивая Заступница всех, с  
верою к Тебе притекающих, / от всяких нас бед  
свободи, да зовем Ти: / радуйся, Матерь Божия  
Державная, / Заступнице Усердная рода христи-  
анскаго.

### **Песнь 7**

**Ирмос: От Иудеи дошедше, отроцы / в Вавилоне  
иногда / верою Тройческою пламень пещный  
попраша, поюще: / отцев Боже, благословен еси.**

**Богоотец** ўбо Давід Твою славу напишует, Дѣво, / и Тебѣ твѣрей Царіцу явленно пророчествует, / предстоящую одесную, Всенепорочная, Бѣга отецъ нашихъ.

**Царіца** Дѣва, златою одеждою украшена, / Сыну Царю ныне предстоит, / Яже без сравненія Ангел превѣвши.

**Родове** Тя вси блажат, Чистая, / Иисусъ бо един, рождѣйся от Твоея утробы, / Той, яко вѣсть, сотвори, Отроковице Дѣво, с Тобою величія, / Егѣже моли спастися стаду и людем Твоимъ.

**Царіца** всех, пришедши святою иконою Своею, / Небесный кров на славу нам устави, / имже спасаемся от невидимыхъ врагъ нахождения, к Сыну Ея вопиюще: / благословенъ Богъ отецъ нашихъ.

**Яко** жениха Тя красныйъ чертогъ, / яко Владычню палату одушевленну, / яко порфиру всезлатую, / яко краснейшее обителище Христова, / Владычице всехъ, умоляющаго Тя спаси мя.

**Отчаяв**ся помощи всякия, / к Тебѣ, Пренепорочная, Державной Хранительнице и Покрову, притекохъ: / не отрини ўбо мене от Божественнаго покрова Твоего.

## Песнь 8

**Ирмосъ:** Царя Небеснаго, / Егѣже поютъ вси Ангельстии, / хвалите и превозносите во вся вѣки.

**Кто** не воспоетъ Тя от земнородныхъ, Нескверная, Чистая Голубице, / Ты бо родила еси намъ Свет великий, жизни богатство, Иисуса Спаса, / Егѣже поемъ, хваляще яко Господа, и превозносимъ во вся вѣки.

**Тебѣ,** свѣтлому Избавителя свѣщнику, / прекрасный сплѣтше ликъ, поемъ: / вся дела Господня, пойте непрестанно Дѣву Марію / и превозносите Ю во вѣки.

**Троицы** явилася еси честный храмъ, / в Немже Отецъ — любовью, Сынъ — плотию, / Дух Святыи нашимъ шествіемъ обитель Себѣ сотвори, Един истинный Богъ нашъ, / Егѣже умоли о насъ, Предстательнице всемогущая.

**П**озлащённою ризою, якоже Царицу, Сын Твой просветив зарею Духа, / Тебе одесную Себе постави, Пречистая, / Егоже превозносим во вся веки.

**Т**ы — дверь Царя Небес и храм славы Его, Дево Всепетая, / отвори нам двери милосердия / и введи ны молитвами Твоими в жилище Небесных славы.

**М**ати Пресвятая, / Еяже молитвами род человеческий присно соблюдается, / поклонися Отцу, умоли Сына, призови Святаго Духа / и умилостиви Бога, в Троице Единого, о множестве грехов наших, / да, Тобою помиловани бывше, / Творца и Тебе благословим отныне и до века.

### Песнь 9

**Ирмос:** *Воистинну Богородицу, / Ты исповедуем, / спасеннии Тобою, Дево Чистая, / с Безплотными лики Ты величающе.*

**Р**ечем Твоих устен, Всечистая, последующе, Ты ублажаем, / с Тобою бо воистинну величия сотворивый Господь возвеличи Тя / и истинную Божию Матерь, рождейся из чрева Твоего, показá.

**П**риклонивый Небеса в Тя, Дево, вселися / и ныне на молитву Твою зрит, Богородице Чистая, / Твое, Царице, исполняя прошение, / Емуже за ны усердно помолися, / на Тя бо надеемся, Благословенная.

**С**вятых Свята́я, Дево Чистая, / святых Святаго родила еси, / всех освящающего, Христа Избавителя. / Темже Ты, Царицу и Владычицу всех, яко Матерь Зиждителя тварей проповедуем.

**П**редъизбранная от всех родов, услыши глас наш / и даруй прощение душ наших, избавление страстей и болезней, / вся могущая, яко Мати Божия.

**Ц**арицу Деву Ты проповедует Давид, Пречистая, Чистую, / темже молим Тя: / Небеснаго ны Царствия сотвори наследники, да ублажаем Тя.

**П**риими еже от души моление мое, Пречистая Владычице, / Яже Бога рождши плотию, / к Тебе бо прибегах, к державней помощи, / да не погрешу надежды моея.



### Светілен, глас 1:

Владычице, всех Владычица и всех вышшая, /  
 всех же превосходящая Горних воинств, / простри  
 руку державну и сохрани мир, / священники  
 благослови, Тебе священнодействующие, / монахи  
 же прости, молящиеся Тебе, / отечество наше  
 соблюди, Святая Богородице. / И ныне нас сподоби  
 видети Небесное Царство и райскую дверь, /  
 егда сядет Судия судити вселенней / во втором и  
 Страшном Судилище, Владычице Ангелов.

### Слава, и ныне:

Да имя Твое, Богородице, на земли славословится,  
 / Иже из Тебе просияв грешником державную  
 надежду и стену Тя дарова, / Тобою бо всякое  
 дыхание к Богу притекает.

### На хвалитех стихиры, глас 5:

Блажим Тя, Богородице Дево, / и славим Тя,  
 вернии, по долгу: / град непоколебимый, / стену  
 неборимую, / твердую Предстательницу / и прибежище  
 душ наших.

Святейшая Херувим, / вышшая Небес, Всепетая  
 Богородице, / Тя воистинну исповедующе, / мамы,  
 грешнии, спасение / и обретаем во искушениях  
 предстательство. / Темже не претай о нас молящи,  
 / Державо и прибежище душ наших.

Вострубим трубою песней, / преклоншися бо  
 свыше, Всецарица Мати и Дева / благословенными  
 венчается воспевающия Ю, / христоименити людие  
 да стекутся / и Царице да воспещут в  
 песнях, / Царя рождшей, / смертию одержимыя  
 पहले / разрешити человеколюбно благоволившаго.  
 / Пастырие и учителя, / добраго Пастыря  
 Пречистую Матерь, сошедшея, восхвалим, /  
 свещник златозарный, светоносный облак, / Небес  
 пространнейшую, одушевленный кивот, / огне-  
 зрачный Владычень престол, / манноприемную  
 златую стамну, / заключенную Слова дверь, / всех  
 христиан прибежище, / песнями Богоглаголивыми  
 похваляюще, сие рцем: / палато Слова, / сподоби  
 смиренные ны Небеснаго Царствия, / ничтоже бо  
 невозможно ходатайству Твоему.

**Слава, и ныне, глас 8:****Подобен: О, преславнаго чудесэ:**

**О, преславнаго чудесэ: / Небесэ и земли Царица, / от святых сродников наших умоляемая, / до ныне землю Русскую покрывает / и лика Своего изображениями милостивно обогащает. / О Владычице Державная, / не престани и на будущее время / во утверждение на Руси Православия / милости и чудеса изливати до века. Аминь.**

**Славословие великое и отпуст.****НА ЛИТУРГИИ СЛУЖБА ВСЯ БОГОРОДИЦЫ****Молитва**

**О Державная Владычице, Пресвятая Богородице, на объятиих Своих держащая Содержащаго дланию всю вселенную, Царя Небеснаго! Благодарим Тя за неизреченное милосердие Твое, яко благоволила еси явити нам, грешным, сию святую чудотворную икону Твою во дни сии. Благодарим Тя, яко призрела еси с высоты святых Своей на чад православных, и, яко солнце светлое, увеселяеши ныне изнемогшия от печали очеса наша пресладостным зрением державнаго образа Твоего! О Преблагословенная Матерь Божия, Державная Помощнице, Крепкая Заступнице, благодаряще Тя, со страхом и трепетом, яко раби непотребнии, мы припадаем, со умилением, с сокрушением сердечным, со слезами молим Тя: вкорени в сердцах всех нас правду, мир и радость о Дусе Святе, водвори в стране нашей тишину, благоденствие, безмятежие, любовь друг ко другу нелицемерную! Державою Твоею всесильною поддержи нас, слабых, малодушных, немощных, унылых, подкрепи, возстави! Яко да под державою Твоею всегда храними, поем, величаем и славим Тя, Державную Заступницу рода христианскаго во веки веков. Аминь.**

**Ина молитва**

**О мира Заступнице, Матерь Всепетая, со страхом, верою и любовью припадающе перед честною иконою Твоею Державною, усердно молим Тя: не**

отврати́ лица́ Твоего́ от прибега́ющих к Тебе́, умоли́, Милосе́рдная Ма́терь Све́та, Сы́на Твоего́ и Бо́га на́шего, Сладча́йшего Го́спода Иису́са Хри́ста, да сохрани́т в ми́ре страну́ на́шу, да утверди́т держа́ву на́шу в благоде́нствии, да изба́вит нас от междоусо́бных брани́ и укрепи́т Святу́ю Це́рковь на́шу Правосла́вную, да непозы́блему соблюде́т ю́ от неверия́, раско́ла и ересей. Не има́мы бо инья́ по́мощи, не има́мы инья́ наде́жды, ра́зве Тебе́, Пречи́стая Де́во: Ты еси́ Всеси́льная христиа́н Засту́пница пред Бо́гом, пра́ведный гнев Его́ умягча́ющая. Изба́ви всех, с ве́рою Тебе́ моля́щихся, от паде́ний грехо́вных, от наве́та злых челове́к, от гла́да, скорбе́й и боле́зней. Да́руй нам дух сокруше́ния, смире́ние се́рдца, чистоту́ помышле́ний, исправле́ние грехо́вныя жи́зни и оставле́ние согреше́ний на́ших, да вси, благода́рне воспева́юще вели́чия Твоя́, сподобимся Небе́снаго Ца́рствия и та́мо со все́ми святы́ми просла́вим Пречестно́е и великоле́пое И́мя в Тро́ице сла́вимаго Бо́га: Отца́, Сы́на и Свята́го Ду́ха. **Ами́нь.**

**Икона Божией Матери, именуемая «Державная»**, была обретена в подмосковном селе Коломенское 2 марта 1917 года. Жительнице слободы Перерва, прихожанке храма в честь Вознесения Христова Евдокии Адриановой было трижды открыто в тонком сне, что в храме находится позабытая чудотворная икона, которую надлежит с подобающей честью водрузить в храме, так как отныне через нее будет явлено Небесное

Покровительство и Заступничество Царицы Небесной. На иконе, чтимый список которой поныне имеется в Казанском храме (Коломенское), Пресвятая Богородица изображена восседающей на троне. В руках Она держит скипетр и державу (отсюда и название иконы «Державная»). Служба и акафист ей составлены с участием Патриарха Тихона (†1925); иная Служба составлена Владимиром Васильевичем Богородицким.



**Святаго священномученика Феодота,  
епископа Киринийскаго**

**Аллилуия, или тропарь.**

**На Господи, возвах: стихиры, глас 4.**

**Подобен: Яко добля:**

**С**вященник священнейший, / Церкви основание, /  
столп непоколебим явился еси, / всеславне, /  
чудотворец истиннейший, / Богоданен, славне, / и  
светильник всесветел священный был еси, / и рай,  
жизни древо / посреди стяжав, Иисуса Жизнодавца,  
священномучениче Феодоте.

**В**оловыми жилами биёмь, / и на древе протязаемь,  
и горько стружемь, досточудне, / и в темнице  
заключаемь, / и гвоздьми ноги твои пригвождены  
люте, / на одр разжжен полагаемь, / непреложен  
явился еси, / во всех Укрепляющаго тя слава,  
священномучениче Феодоте.

**Ж**илами твоих подвигов / врага придавив, / и  
того силу поборил еси / и, мужествовав светлейше,  
в вѣшнем Царствии венценосец живѣши, /  
просвещения сподобився / и красоты празднующих,  
и молишися чтущия тя спасти, / слава  
мучеников Феодоте.

**Слава, и ныне, Богородичен,  
глас и подобен тойже:**

**О**суждения избави, Пресвятая Богоневесто, / и  
лютых прегрешений / смиренную мою душу, / и  
смерти измени молитвами Твоими, / и даруй оправдание  
получити / в день испытания, / еже получиша  
святых собори, / покаянием очищена мя прежде  
конца покажи / и слезными излиянии.

**Крестобогородичен. Подобен тойже:**

**На Кресте Ты яко узре / пригвождена, Господи, /  
Агница и Мати Твоя дивляшеся / и — что видение  
сие, — зываше: / Сыне вожделенне, / сия Тебе  
неверный собор воздаде беззаконный, / иже мно-**

гих Твоих чудес насладивыйся? / Но слава неизглаголанному / сошествию Твоему, Владыко.

**Канон, егоже краегранесие:** Божие дание был еси лепотно, блаженне. **Иосиф. Глас 4.**

### Песнь 1

**Ирмос:** Моря чермную пучину / невлажными стопами / древний пешествовав Израиль, / крестообразными Моисеевыми руками / Амаликову силу в пустыни победил есть.

Бог твой к Немю движения, мучениче, направи, / Егоже честныя соблюди заповеди, / иерарх был еси / и мучения кровию озарился еси, явленнейше.

Божественне и благочестне пожив, / плоти движения постническими умертвив подвиги / и живот прием, / иерархов уобрение, мучеников исполнение.

Вселився в премудрое сердце твое Дух Святыи, / от пелен, преподобне, права, сострадательна ты, и тиха, / и иерарха Божественна, мучениче, показа, Феодоте.

**Богородичен:** Бяше порабощено первее прелестию, Чистая, человеческое естество лукавне, / Христа же рождши, Ты свободу улучи, / велемудренно Ты славящее.

### Песнь 3

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

Слез твоих стенами, и кровей потоки угасил еси прелести лютое углие, / мучениче святителю Феодоте.

Житие твое чистое показав, / священнодателя Божественна и истинна свидетеля ты страстей Христовых содела.

Среди судища стоя / и уязвляемь лютыми ранами, / Христова Имене, мучениче, не отверглся еси, Феодоте.

**Богородичен:** Уврачуи мой ум, / изнемогший прилоги, Пречистая, лукаваго змия / и греху работающий.

**Седáлен, глас 4.****Подóбен: Вознесѣйся:**

**С**вященноначáльства одéжду светлѣйшу / кровѣй твоихъ омочéными содéлал еси, / на Небесá вселѣвсья, Феодóте, / видя, Егóже возжелéл еси чѣстою мѣслию. / Тémже твою сла́вимъ всесвященную пáмьять и взывáем: / помяни нас, со дерзновéниемъ к Бóгу предсто́яй.

**Слáва, и ны́не, Богорóдичен:**

**Н**ечѣстныхъ помыслóв моихъ мнóжество и безмéстныхъ мѣслей обуревáния / кто изрещи́ мóжет, Всенепорóчная? / настоя́ния же безплóтныхъ врагъ моихъ кто исповéсть и сихъ злóбу? / Но Твоéю мольбóю, Благáя, сихъ мне всехъ избавлénие дáруй.

**Крестобогорóдичен:**

**И**же от Безначáльнаго Отца́ рождéннаго / напоследокъ Тя плóтию Рóждшая, / на Крестé вѣсяща зря́щи, Христé,—увѣ́ Мнe, Любэ́знейший Иисусе,—вопья́ше,— / кáко сла́вимый я́ко Бог от Ангелъ / от беззакóнныхъ ны́не человекъ, Сы́не, хотя́ распина́ешися? / Пою́ Тя, Долготерпелѣ́ве.

**Песнь 4**

**Ирмос:** *Вознесéна Тя вѣдевши Цéрковь на Крестé, / Сóлнце праведное, / ста в чѣне своéм, / достóйно взывáющи: / сла́ва силе Твоéй, Гóсподи.*

**С**окрушáемо тéло твоé рáнами, / помыслъ твердѣ́йший и войстинну, мучениче, крепчáйшь содéловаше, пою́ща: / сла́ва силе Твоéй, Гóсподи.

**Р**аспалáемъ любóвию Влады́чнею, / я́же от ран терпéл еси́ болéзнь лютѣ́йшия, / я́коже инóму стражду́щу, / самъ пребывáл еси́ величáйший в мученицехъ, Феодóте.

**П**ретерпéл еси́ мýки, Богомýдре óтче, приближивши́яся тéлу, / возда́ния бо пребывáющая виделъ еси́ умá чистотóю, / облегчáющая болéзнь твою́.

**Богорóдичен:** *Светлѣ́йшая палáто Влады́ки, Пресвятáя Богорóдице, / хра́мы нас покажи́ Свята́го Дýха, / в хра́ме Твоéмъ святéмъ хвалу́ Гóсподеви принося́щая.*

### Песнь 5

**Ирмос:** Ты, Господи, мой Свет, / в мир пришел еси, / Свет святыи, обращаи из мрачна невѣдения / верою воспевающия Тя.

**Возвышаемъ,** мудре, на древо, Феодоте, / претерпевал еси твердейше терзания плоти твоея, / вельми удивляемъ.

**Висим,** строгания терпел еси телесная, Феодоте, / Владыку укрепляющаго имей / и верою ты утверждающа.

**Крѣвными** омочеными обагрив, Феодоте блаженне, одежду твою священную, / светлейшу показал еси.

**Богородичен:** Зачала еси Бога, бывша Человека, о Владычице! / Сего ради, роди родов, Ты непрестанно убожаемъ.

### Песнь 6

**Ирмос:** Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею кровию.

**Всажден** был еси в темницу, яко злодей, Феодоте, / хранитель сый Божественных Владыки, славне, повелений, / Божественное твое празднество вельми уяснившего.

**Стоял** еси пред судищем неправедных, судим, / и осуждая человеки, беззаконнующия все / и предпочитающия неправду, святителю Богомудре, паче правды.

**Волны** сверепых мук разрушил еси, / якоже некий камень, всеблаженне, / возшед восхождением твоего сердца к Каменю краеугольному — Христу Богу.

**Богородичен:** Вселився во чрево Твое, Христос Бог наш / в человецех живущий грех, Пречистая, изгоняет / и свойственный Себе человеколюбивно соделоват.

### Кондак, глас 3:

**М**оря зловерие обличил еси, / и идоляскаго безбожия леств верою правовѣрия уязвил еси / и, всеожжение Божественное быв, / чудодей-

ствием орошаеши концы, / отче святителю Феодоте, Христа Бога моли / даровати нам велию милость.

### Песнь 7

**Ирмос:** В пещи авраамстии отроцы персидстей / любовию благочестия паче, / нежели пламенем, опаляеми, взываху: / благословен еси в храме славы Твоея, Господи.

Божественною, отче, распалюемъ любовию Духа, / на одр разжженъ весьма возложенъ, не опалим пребыл еси, / благословен еси, Боже мой, зовый, и Господи.

Якоже иному сам пребывая страждущу, / весь бо умом, блаженне, к Богу пришед, / сечения же и жжения ты небрегл еси, / не чувствуя Христовым мановением.

Премудростию словес безсловесия сущия, блаженне, исполнены посреди судища обличил еси, / проявленно злочестием недоговавший / и паче сотворшаго демонския изволившия кумиры.

**Богородичен:** С Вышним ликостоянием, вси, Мати Божия, радуйся, Тебе зовем, / одушевленное небо, и преславная палато, и престоле огненный, / на немже Христос плотию почи.

### Песнь 8

**Ирмос:** Руце распростер, Даниил / львов зияния в рове затче: / огненную же силу угасиша, / добродетелию препоясавшися, / благочестия рачители отроцы, взывающе: / благословите, вся дела Господня, Господа.

Подвиги твоими врагу противляясь, мучениче Феодоте, / гвоздьми бо, славне, в ноги пронзен, / отводящею к Царству Небесному стезею шествовал еси, / благословите, поя, дела Господня, Господа.

Проповедая Бога, на землю пришедша / и Божественными страстьми страсть всепагубную разрушаго, / страсть Божественную и блаженную подъял еси плотию, вопия, Феодоте: / благословите, вся дела Господня, Господа.

**Кровей каплями и священных учений течени-**



ем, / вѣрных напоил еси сердца благодатию, все-  
мудре, / и прозябати устроил еси Земледелателю  
благих Божественная разумения, / Емуже вопиём: /  
благословите, вся дела Господня, Господа.

**Богородичен:** Скверны очисти́ла еси всякия  
естество́ человеческое, Пречистая, / Небесный  
ро́ждши дождь, Человека бывша, / и новосодѣлала  
еси ны, обетшавшия, Чистая, вопиющая: / вся  
дела́, благословите Господня́ Господа.

### Песнь 9

**Ирмос:** Камень неруко́сечный / от несекóмыя  
горы, Тебѣ, Дѣво, / краеугольный отсечеса, / Хри-  
стос, совокупивый разстоящаяся естества́, / тем,  
веселящися, Тя, Богородице, велича́ем.

Исцеления́ источаетъ всяческая́ мощейъ Божѣ-  
ственная́ рака́ священнейшаго́ пастыря, / и стра-  
сти уставляет, и решитъ лѣтныя́ яко́ воистинну  
болѣзни / Спаса́ Божественною́ благодатию.

Яко́ священномученик, / вязати́ же и решити́  
имея́ власть, / разреши́ зол моихъ́ узы / и дѣшу мою́,  
жегóму огнемъ́ грехá, ороси́, / моля́ Всеще́драго.

Днесъ́ вѣрно́ празднуетъ Цѣрковь, Богоно́се, все-  
священную́ твою́ пáмять / и отшѣствие́ к  
Человеколю́бцу / и, радуя́ся, плетѣтъ тебѣ́ пѣсней  
Божественныя́ диады́мы.

Яко́же днесвѣтлую́ звездú, ты́ стяжавше, Бого-  
глаго́ливе, / твоими́ светолучными́ зарями́ Божѣ-  
ственныхъ́ болѣзней / и чудесъ́ твоихъ́ чистыми́ свет-  
лосты́ми озаря́емся, Феодóте.

**Богородичен:** Свет нам ро́ждши, Дѣво, от Отца́  
прежде́ денницы́ возсия́вший неизрече́нно, / нера-  
зúмия́ тьму разруши́ла еси́ / и в сѣни́ спящия́  
грехóвней просвети́ла еси́.

**Священномученик Феодот,**  
**епископ Киринейский,** родился в  
III веке в Галатии (Малая Азия).  
Родители-христиане воспитали сына  
в благочестии и дали ему хорошее  
образование. Стремление нести лю-  
дям слово Божие с юных лет жило в  
душе святого Феодота. Духовное приз-  
вание привело его на остров Кипр,  
жители которого в те времена были  
язычниками. В своих проповедях

святой Феодот призывал их покаяться  
и обратиться к Истинному Богу. Сила  
глубокой веры святого Феодота, его  
добродетельная жизнь и дар пропо-  
ведника оказали благотворное вли-  
яние на язычников. Многие из них  
приняли Святое Крещение и пожела-  
ли видеть своим епископом святого  
Феодота.

Долгие годы возглавлял архипа-  
стырь христианскую общину кипрско-

го города Кириinei. В царствование императора Ликиния, прозванного нечестивым (307—325), правитель острова Савин задумал лишить киринейских христиан их пастыря, устроив судилище над святым Феодотом.

Узнав об этом, киринейский епископ, не дожидаясь посланных за ним, добровольно явился к правителю. В день суда при большом стечении народа святой Феодот открыто объявил себя христианином. Затем он бесстрашно стал обличать погрязших в грехах язычников, поклоняющихся своим нечестивым идолам.

Придя в ярость от слов святого Феодота, Савин приказал бить епископа ремнями. На это архипастырь спокойно сказал: «Если бы твои духовные очи были открыты, ты понял бы, что мною испрошено мужество, которое ты называешь дерзостью. Но поскольку ты слеп, то не можешь видеть уготованное мученикам за Христа Небесное воздаяние».

Язычник Савин не в состоянии был понять слова святителя и решил истязать святого Феодота до тех пор, пока тот не признает могущества идолов. Когда епископа подвесили нагим на дереве и начали колоть его тело острым копьём, он терпеливо переносил страдания и громко молился. Савин, видя что и эту пытку святитель перенес с честью, повелел отвести мученика в темницу.

После пятидневного пребывания в

темнице, святой Феодот вновь предстал перед своим мучителем. Савин, все еще надеявшийся сломить дух киринейского архипастыря, приказал положить его на раскаленное железо.

Но Господь дал силы мученику перенести и это испытание. Когда же Савин повелел вбить в ноги святителя гвозди, святой Феодот воздел руки к небу и воскликнул: «Благодарю Тебя, Господи, что сподобил меня, недостойного, стать соучастником страданий Твоих!»

Согнанные на это кровавое зрелище жители Кириinei смотрели, как, страдая от ран в пробитых ногах, но не переставая славить Бога, брел по дороге епископ Феодот, подгоняемый воинами.

Многие язычники были потрясены мужеством христианина и там же публично прокляли языческих идолов. Кипрский правитель в страхе приказал заточить епископа в тюрьму, надеясь предать его казни, когда уляжется волнение. Тем временем на престол Римских императоров возшел святой Константин Великий (память 21 мая), победивший Ликиния и повелевший прекратить преследования христиан.

Освобожденный из тюрьмы киринейский епископ в течение еще двух лет вновь духовно окормлял свою паству. Около 320 года (по другим данным, в 326 году) он мирно отошел ко Господу.



В  
ТОЙЖЕ  
ДЕНЬ

## Святителя Арсения, епископа Тверскаго

### ВЕЧЕР

На Господи, воззвах: стихирь, глас 6.

Подобен: Всю отложивше:

**В**есь освящен, / Богоносец показался еси, / мастию Божественною святою / Святым Духом помазан, / и светло всегда ликую, святителю, / во святая святых входя, / и люди твоя, яко священно-тайнник, / небесным тайнам научил еси, / яко войстинну учитель избранен, / отче Арсение Богоносе, / со дерзновением моляся / о душах наших.

**В**есь от юности облистал еси / жития добродетелей лучею, / всеблаженне святителю, / и люди твой просветил еси, / и храм Пречистыя воздвигл еси пречуден. / И ныне вселился еси, идеже Свет невечерний, / идеже ликостояния Ангел, / с ними же предстою, преподобне, / поминай нас, святителю Арсение, / твою память совершающих, / со дерзновением моляся / о душах наших.

**С**вятитель Богоприятен / и пастырь истинен, / столп непревратен, / основание веры недвижимо, / благочестия степень непоколебимый, / забрало Церкви нерушимое, / святителей доброта / и чудес источник, / Арсение, был еси. / Тем ты ублажаем благочестивно / пеньми и песнями духовными / и всесвященную совершаем память твою.

**С**олнца светлейши / просия нам память твоя, / святителю Арсение, / вседоблий отче священне, / сего ради ты ублажаем, Богомудре, / и молебно воспеваем, / яко показался еси земли нашей чудотворец, / и молебник, и представитель теплейший. / Тем молися Христу Богу / избавитися стаду твоему от навета вражия, / еже стяжал еси, мудре, / молитвами твоими.

### **Слава, глас 6. Самогласен:**

**П**риидите, вси Российския митрополии, / всяко отечество, градове и страны, / архиерее, иерее, и монаси, / и вси людие, и всяк язык, / стецёмся к честней памяти святителя преславно нашея земли, / днесь в песнях и пениих восхвалим великаго пастыря и учителя, / Арсения Богомудраго, / сей бо измлада желание Божественно приим в сердца своём / и возлюбив Христа и Пречистую Его Матерь, / Ейже и обитель сотвори, / и храм честен созда, / и вельми украси, и множества монахов собра. / Темже твоё празднуем усение, / вси вернии, окрест стояще твоея раки, / молебнo к тебе рuce простираем, / святителю Арсение: / молися Христу Богу о чадах твоих / и о всех, любовию празднующих / честную память твою.

**И ныне, Богородичен: Ктo Тебe не ублажит:  
Вход. Прокимен дне. И чтенія.**

**Притчей чтение (главы 10, 3 и 8):**

**Память праведнаго с похвалами, / и благословение Господне на главе его. / Блажен человек, иже обрете премудрость, / и смертен, иже уведет разум. / Лучше бо сию куповати, / нежели злата и сребра сокровища. / Честнейшая же есть камней многоценных, / все же честное недостойно ея есть. / Долгота бо дней и лета живота в деснице ея, / в шуйце же ея богатство и слава. / От уст ея исходит правда, / закон же и милость на языке носит. / Послушайте убо мене, о чада, / честная бо реку, / и блажен человек, иже пути мой сохранит: / исходи бо мой — исходи живота, / и уготовляется хотение от Господа. / Сего ради молю вас / и предлагаю мой глас сыновом человеческим, / яко аз, премудрость, устроих совет / и разум, и смысл аз призвах. / Мой совет и утверждение, / мой разум, мой же крепость. / Аз мене любящая люблю, / ищущи же мене обрящут благодать. / Разумейте убо, незлобиви, коварство, / ненаказанныи же, прилагайте сердца. / Послушайте мене и паки, честная бо реку, / и отверзу от устен правая, / яко истине поучится гортань моя, / мерзки же предо мною устны лживыя. / С правдою вси глаголы уст моих: / ничтоже в них стропотно, ниже возвращенно. / Вся права суть разумевающим / и проста обретающим разум. / Научаю бо вас истине, / да будет о Господе надежда ваша, / и исполнитесь Духа.**

**Притчей чтение (главы 10 и 11):**

**Уста праведнаго каплют премудрость, / язык же неправеднаго погибнет. / Устне мужей праведных каплют благодати, / уста же нечестивых возвращаются. / Мерила льстивая — мерзость пред Господем, / вес же праведный приятен Ему. / Идеще аще внидет досаждение, тамо и безчестие, / уста же смиренных поучаются премудрости. / Совершение правых наставит их, / и поползновение отрицающихся упасет их. / Не пользуют имения в день ярости, / правда же избавит от смерти. / Умер праведный, остави раскаяние, / наручна же бывает и посмеятельна нечестивых пагуба. / Правда непорочнаго исправляет пути, / в нечестие же**

падает неправда. / Правда мужей правых избавит их, / безсовѣтием же пленяются беззаконнии. / Скончавшуся мужу праведну, не погибнет надежда, / похвала же нечестивых погибнет. / Праведник от лова убежит, / в негоже место предаётся нечестивый. / Во устех нечестивых сеть гражданином, / чувство же праведных благоспешное. / Во благих праведных исправится град, / и в погибели нечестивых радование. / Во благословении правых возвысится град, / усты же нечестивых раскопается. / Ругается гражданином лишенный разума, / муж же мудрый безмолвие водит.

### Премудрости Соломона чтение (глава 4):

Праведник аще постигнет скончаться, в покои будет. / Старость бо честна не многолетна, / ниже в числе лет исчитается. / Седина же есть мудрость человеком, / и возраст старости — житие нескверное. / Благоугоден Божови быв, возлюблен бысть / и живый посреде грешник преставлен бысть. / Восхищен бысть, да не злоба изменит разума его / или леть прельстит душу его. / Рачение бо злобы помрачает добрая / и парение похоти пременяет ум незлобив. / Скончався в мале, исполни лета долга, / угодна бо бе Господеву душа его, / сего ради потщася от среды лукавствия. / Люди же видевше и не разумевше, / ниже положше в помышлении таковое, / яко благодать и милость в преподобных Его / и посещение во избранных Его.

### На литии стихиры, глас 2, самогласны:

Ум преподобен, яко присно к Богу внимающ, / свободен же и самоизволен, яко страстьми непорабощен, / душу чисту имея, / сердце милостивно и слезами умиленно, / тело же молитвами к Богу служебно, / притяжал еси, Арсение святителю, / слово мудростно и смиренно. / Весь от юности благоправием Христу усвоися, / от Негоже святительства достоинство приял еси, / и люди твою упасл еси, / и Православием обогатил еси. / Ныне яко предстою Христу Богу, / от всяких нас бед избави / и спаси души наша.

**Глас 4:** Евáнгельских истóчник словесы́ твоими, святителю, / людéй твоихъ сердцá напоил еси́, / и сéмя благочестия в нихъ моли́твами твоими возрастил еси́, / и сихъ принёсл еси́ Христу́ плодъ изряденъ. / И ны́не я́ко предсто́я у Него́ с ли́ки апóстол и святителю, / помина́й насъ к Нему́ моли́твами твоими / и сохрани́ насъ отъ всякаго озлоблénия, / соверша́ющихъ véрою пáмять твою́.

Апóстольскаго престóла сподóбился еси́, / святителство при́йм, святителю Арсéние, / ты бо украсил еси́ цéрковь Мáтере Господни / и угóдниковъ Ея́, Антонiя и Феодóсия. / В ню́же мы ны́не, ча́да тво́я, притека́юще / и ли́ки составля́юще, / тебе́ восхваля́ем, я́ко отцá чадолюбiва, / и моле́бне к тебе́ рúце простира́ем: / моли́ся о насъ Христу́ Бóгу / и Пречiстей Егó Мáтери, / о́йже véрою и любóвию тебе́ почита́ющихъ.

### Слáва, глас 8:

Всякъ язýкъ да почудит́ся ны́не / о преслáвныхъ вели́чиихъ Бóга нáшего, / и всяка устá да подви́жутся на похвалéние / и да воспóютъ Христа́ Бóга, / я́ко в послéдняя времена́ и рóды / тако́ва намъ произведе́ светильника вели́каго, / святителю· присноблаженнаго Арсéния. / Тёмже вопи́емъ ему́: / раду́йся, упасы́й Цéрковь Христо́ву и лю́ди тво́я, / сегó ра́ди ны́не на Небесéхъ в селéнии водворя́ешься; / раду́йся и ты, Богохрани́мый гра́де Тверь, / я́ко тако́ва имéя в себé поживша святителю, / веселит́ся и вы, лю́дие сегó гра́да, / я́ко тако́ва святителю и учите́лю сподóбистесь при́яти; / раду́йся и весели́ся, Бóжия Мáтере цéрковь, / я́ко люби́мый тобою́ в тебе́ почилъ есть / Богомúдрый Арсéний. / Но, о Богоблаже́нный о́тче! / не преста́й моля́ся / о́йже véрою чтýщихъ всечестно́е твоё преставлénие.

**И ны́не, Богорóдичен:** Влады́чице, приими́ моли́тву рабъ Твоихъ:

### На стихóвне стихи́ры, глас 8.

Подóбен: О, преслáвнаго чудесé:

О́тче святителю Арсéние, / окри́ливъ умъ к Бóгу véрою, / мирска́го смешéния / возгнушáлся еси́ неустáвнаго, / и, крестъ твойъ вземъ, / Всеви́дцу послéдовал еси́, / и любите́ль мона́ховъ был еси́ изряденъ. /

Сего ради святительскаго престола прияти сподобился еси, / тем не престай моляся о душах наших.

**Стих:** Честна пред Господем / смерть преподобных Его.

**Отче** святителю Арсение, / ты от утробы к Богу / приблизил еси твой ум / и весьма прилежал еси Царю Вседержителю, / плоды достойны приносы Ему / от твоих подвигов, святителю, / соукрашаемь добродетельными венцы. / Тем благих обрел еси / восприятие, досточудне.

**Стих:** Блажен муж, бойся Господа, / в заповедех Его восхощет зело.

**Отче** святителю Арсение, / ты монахом наказатель / и Россійстей земли звезда пресветлая, / осиявая чудесы всю сию страну, / ты бо избра Бог от юности, отче, / пастыря овцам словесным и учителя. / Тем моляся о нас / с лики святителей / и проси стаду твоему грехов оставления.

### Слава, глас 6:

**Я**ко всечестный конец успения твоего / и еже отшествие твое ко Господу / уведевше благочестивии князи, / и священномонаси, и вси людие, / вземше честное тело твое, / принесоша тобою в Богозданную церковь Пречистыя Божия Матере. / Сия видевше, монаси твоея обители, / любимая тобою чада, притекше / и узревше тебе мертва на одре, / плачущеся горько и, одр слезами обливаяюще, / велегласно тебе вопияху: / увы нам, пастырю наш добрый! / к кому уже прибегнем? / кто нас посетит? / кто нашу нищету удолит? / кто бо таков бысть, якоже ты, любезен монахом? / кому нас оставляеши, любимый наш отче Арсение? / Аще и телом отшел еси от нас, / но духом пребывай с нами, посещая нас, / и моляся за ны ко Господу и Пречистой Его Матери, / верою и любовью память твою почитающия.

**И ныне, Богородичен:** Богородице, Ты еси лоза истинная:

### Тропарь, глас 8:

**Б**лагочестно пожив во святительстве, / люди просветил еси учением твоим, / и о храме

Пречыстыя вельмі подвизався, / и любитель монахов быв, / сего ради от Христа паствы твоей венец приял еси. / Темже, яко апостольскаго престола наместника / и святителя великаго чтуще ты, молим, чада твоя, блаженне: / от всех бед избави нас яже ко Христу молитвами твоими, / святителю Христов Арсение, отче наш.

**Слава, и ныне, Богородичен: Иже нас ради рождейся от Девы:**

#### НА УТРЕНИ

**На Бог Господь: тропарь святого, дважды. Слава, и ныне, Богородичен.**

#### По 1-й стихологии седален, глас 8:

Лесть мира, и богатства светлость, / и высокую любовь родителей преобидев, / смирением же к нищете учащему Владыце Христу последовал еси, / от Негоже пощением и молитвами истинное богатство, / и сущую светлость, и Царство недвижимо, святителю Арсение, наследовал еси. / К Немуже ныне молися / грехов оставление подати / чтущим любовь святую память твою.

#### Слава, и ныне, Богородичен:

Да Свой паки созиждеша образ, Спасе, истлевший страстьми, / Небесных утайвся существ, воплотился еси от Девы, / Ейже со страхом вопиём: радуйся, Обрадованная, Господь с Тобою.

#### По 2-й стихологии седален, глас 3:

Добродетелей деланием церкви возсиял еси великое солнце / и учением словес твоих просвети люди твоя. / Темже и по успении нескончаему благодать приял еси, / святителю Арсение, моли Христа Бога / даровати нам велию милость.

#### Слава, и ныне, Богородичен:

Яко невозделанная, Дево, лоза, краснейший Грозд прозябла еси, / источающ нам вино спасения, всех веселящее души же и телеса. / Темже, яко вину Ты добрых блажаще присно, / со Ангелом вопиём Ти: / радуйся, Благодатная.



### По полиелѣи седáлен, глас 8:

**М**илостивому Христову угóднику, незлóбивому и крóткому, / вси тебѣ прилѣжно мóлимся / и любóвию зовѣм: / рáдуйся, святителю Арсѣние, / украсивый храм Бóжия Мáтере / и угóдников Ея Антóния и Феодóсия. / С нимиже моли Христа́ Бóга грехóв оставлѣние даровáти / чтúщим любóвию святúю пáмять твою́.

### Слáва, и ны́не, Богорóдичен:

**Е**гда́ придетъ судити всей землѣ всех Влады́ка и Творецъ, / овцáм мя причти деснымъ, осуждѣннаго, / и кромѣшняя тьмы и всякаго мучѣния / Твоего́ непотрѣбнаго раба́ исхити́, молю́ся, / да благодарно велича́ю богáтство Твоея́ блáгости, Богорóдице Всенепорóчная, / и вопию́ Ти, рáдуясь: / моли́ся Христу́ Бóгу прегрешѣний оставлѣние дáти мне, / Тебѣ бо íмам надѣжду, рабъ Твой.

**Степѣнна, 1-й антифóн 4-го глáса. Прокíмен, глас 4:** Священницы Твой облекúтся в прáвду, / и преподóбнии Твой возра́дуются. **Стих:** Помяни́, Гóсподи, Дави́да и всю крóтость его́. **Всякое дыхáние: Евангелие от Иоáнна, зачало 36.**

### По 50-м псалмѣ стихира, глас 6:

**Д**úха Свята́го благодáть / в твоихъ устна́х изли́яся, óтче, / и был еси́ пáстырь Христовы Цѣркве, / уча́ словѣсныя óвцы / вѣровати в Трóицу Единосúщную, / во Едино́ Божество́.

**Канóн святителя Арсѣния, егóже краегранѣсие:** Свята́го Христова́ святителя Арсѣния похвалити́ рáзум, Бóже мой, дáруй ми. **Глас 2.**

### Песнь 1

**Ирмóс:** Грядите́, лю́дие, / поимъ песнь Христу́ Бóгу, / раздѣльшему мóре и настáвльшему лю́ди, / я́же изведе́ из рабóты егíпетския, / я́ко прослáвися.

**С**вѣте от Свѣта, Христѣ́ Бóже, от Отца́ прѣжде векъ рождѣйся / и исконнй Сый со Отцѣм и Дúхом, / мракъ душй моея́ отгна́в, озари́ ум мой, молю́ся, / я́ко да возмогú пѣти Твоего́ угóдника, Арсѣния свящѣннаго.

**Аще** и человек еси естеством, отче, / но ангельски на земли пожил еси, / деснаго пути от юности емься\*, целомудрия рачитель быв, / Духа Святаго честное обиталище, Арсение священне, явился еси.

**Мудрости** главизну, страх Божий возлюбив / и заповедем Его присно поучаяся, / древо насадися при исходищах вод духовных, / от нихже, отче, напойем, плод Христу, Арсение, принеслся еси.

**Богородичен:** Услыша Ева прамати, Чистая: / в печалех родиши чада. / Ты же, Дево, услышала еси: / Господь с Тобою, радуйся, / и радованным гласом, Богоневесто, печаль праматере потребльши.

### Песнь 3

**Ирмос:** На камени мя веры утвердив, / расширил еси уста моя на враги моя, / возвесели бо ся дух мой, внемгда пети: / несть свят, якоже Бог наш, / и несть праведен, паче Тебе, Господи.

**Презрев** нижняя, яко попираема, / и любовь родителей преобидев, Христа взискал еси, / Егоже любовью душу твою уязвил еси, / Того любя и Того ища красоты.

**Светильник** сый, твою душу украшая слезами, / рано ко Христу утренюя, / руку же простертнем в молитвах, Амалика тело умертвил еси / и на гору безстрастия возшел еси.

**Благородием** высок и благодушием изыщен, / разума мудростию удивлен был еси, / цвет яко прекрасный, чистотою сияя, / и светлым смирением, Арсение отче, украсился еси.

**Богородичен:** Мати Божия, Пречистая, Благословенная и Пренепорочная, / души моея струпы исцели и страсти плотския умертви, / умири ум мой, от всякаго вреда / и вражия напасти изми мя, Владычице.

### Седален, глас 4:

**Великий** Христов святитель да воспоется, / столп светлый, просвещаая нас чудес светлостью, / Богоносный отче наш Арсение, / пастырю и

\* деснаго пути от юности емься—шествовал от юности правым путем

учителю земли нашей, / Христа моли о стаде твоём /  
и о всех, верою и любовью чтущих святую память  
твою.

### Слава, и ныне, Богородичен:

Поём Тя, Богоневесто, Мати Христа Бога, славя-  
ще рождество Твое непостижимое, / имже избави-  
хомся от лести диаволи и всякия беды, Богородице  
Владычице, и верно вопиём: / помилуй стадо Твое,  
Едина Всепетая.

### Песнь 4

**Ирмос:** Пою Тя, слухом бо, Господи, услышах и  
ужасохся: / до мене бо идеси, мене ища, заблуж-  
дшаго. / Тем многое Твое низхождение, еже на  
мя, / прославляю, Многомилостиве.

Вельми украсил еси престол твой, святителю  
Арсение, / великими бо чудесы преспел еси и  
житием светлым, / сего ради превеликий Бог наш  
вельми тя прослави.

Милости Подателя Господа ведый, блаженне, /  
тепле Его умолил еси / на исцеление и спасение  
многим, с верою к тебе притекающим / и в помощь  
тя призывающим.

Врача изрядна различно недугующим / и настав-  
ление всем, прельщенным злым советом, / Христос  
тя дарова, чудотворца земли нашей, святителя  
Арсения, / темже ты ублажаем.

**Богородичен:** Исцелила еси сокрушение, Всене-  
порочная, древняго окаянства земных, / порож-  
дшая Господа и Царя Христа, понесшаго недуги  
наша / за благосердие неизглаголанное, Дево  
Мати.

### Песнь 5

**Ирмос:** Просвещение во тьме лежащих, / спасе-  
ние отчаянных, / Христэ, Спасе мой, / к Тебе  
утренюю, Царю мира, / просвети мя сиянием  
Твоим, / иного бо, разве Тебе, бога не знаю.

Славный пастырь, / неистощимый источник ис-  
целения, / церковный столп, верных утвержде-  
ние, / великий светильник многосветлый, святите-  
лю Арсение.

**Я**ко светозáрно жити́е, я́ко зело́ чу́дно, / я́ко красны́ трудо́ве тво́й, / я́ко вели́ка благода́ть свѣше данá ти, му́дре, / сегó ра́ди ве́рою почита́ем тя, святителю Арсе́ние.

**Пресвѣтлая** тво́я па́мь простира́ется в ми́ре / и просвѣща́ет челове́ческия ду́ши свѣтом благода́ти; / ю́же соверша́ющих любóвию, / от бед нас изба́ви, мо́лимся, святителю Арсе́ние.

**Богородичен:** Се одр Соломо́нов, егóже обсто́ят си́льнии, / Богодухнове́нных писа́ний ны́не прорица́ния, / на нёмже Христос Бог воплоще́нием почи́л есть, / Благослове́нная и Обра́дованная.

### Песнь 6

**Ирмос:** В бездне грехóвней валя́ясь, / неизсле́дную ми́лосѣрдия Тво́его призыва́ю бездну: / от тли, Бо́же, мя возведи́.

Свети́льника тя су́щии во тьме прѣлести, / нелѣстно наста́вляюща, обрѣтше, к путе́м живота́, Богоблаже́нне Арсе́ние. / И ны́не по сме́рти врач яви́лся еси́ боля́щим / Ду́ха Божѣственною благода́тию.

Зако́ном повину́ясь Влады́чним, заблуждши́я взыска́л еси́ / и во огра́ду пока́яния привѣл еси́, / я́ко па́стырь и́стинен показáвся ста́ду тво́ему, / отче святителю Арсе́ние.

Свяще́ния храм, отче, Божѣственна́го Ду́ха ве́рою быв, / созда́л еси́ храм Пречи́стыя Ма́тере Бо́жия и Ея́ уго́дников, Анто́ния и Феодо́сия, / и оби́тель пречу́дну сотвори́л и украси́л еси́, / в нейже те́ло тво́е положено́ бысть.

**Богородичен:** Зако́ни о Тебе́ пресла́вно, Де́во, обновля́ются: / ражда́еши бо без се́мене Бо́га Спа́са / и пребыва́еши, де́вствующи па́ки, стра́нно чу́до. / Тем Тя, Ма́терь Емману́илеву, благоче́стно испове́дуем.

### Конда́к, глас 8:

**В**осприѣмши ра́достно честны́я тво́я мо́щи пре́чи́стая це́рковь, / в ню́же че́стно вноси́мы мно́жеством священномона́хов и кня́зи благове́рными, / и я́же приѣмши, я́ко сокрови́ще многоце́нное. / Те́мже и мы ны́не, тво́ея огра́ды словѣсны́я

овцы, / окрест раки твоея предстояще, / любезно  
вопием ти: / не забуди чад твоих, отче, / ихже мудре  
собрал и возлюбил еси, / яко да зовем ти: / радуйся,  
святителю Арсение, пастырю и учителю наш.

### Икос:

От скверных устен, от нечиста сердца, / како ти  
принесу хваления, окаянный? / Ужасаюсь и трепещу,  
но, надеясь на твой благосердный нрав, отче, / хвалу  
ти приносим, глаголюще: / радуйся, пастырю наш  
добрый, святителю Арсение, / упасый стадо Христо-  
во; / радуйся, дивный чудотворче, / притекающим  
к тебе с верою неоскудно исцеление подавая; /  
радуйся, церквам воздвижение и иноков любите-  
лю, / сирым и нищим подателю; / радуйся и ты,  
Богохранимый граде Тверь, / яко такова име  
в себе поживша святителя; / радуйся и веселись,  
Божия Матере церковь, / яко любимый Тобою  
в тебе почил есть Богомудрый Арсений. / Но,  
о Богоблаженне отче! / Аще и телом прешел  
еси от нас, / но духом пребывая с нами, / и  
молись за ны Христу и Пречистой Его Матери  
с Ея угодники, Антонием и Феодосием, / и  
спасай поющих тя, да зовем ти: / радуйся,  
святителю Арсение, пастырю и учителю наш.

### Песнь 7

**Ирмос:** Богопротивное веление беззаконнующа-  
го учителя / высок пламень вознесло есть; / Хри-  
стос же простре Богочестивым отроком росу  
духовную, / Сый благословен и препрославлен.

Вышний Царю и Вседержителю, / молитвами  
Твоего угодника жизнь умири всем, Слове, христи-  
аном, / пособствуя на варвары благоверным, /  
да Тебе, Христе, зовем: / благословен Бог отец на-  
ших.

Престолу предстою Божию, святителю Христов  
Арсение, / молити прилежно не претай о нас,  
твоих рабах, / да огня вечнаго избавимся / и  
всякаго озлобления, от враг находящаго, твоими  
молитвами.

Исцеления подаваеши всюду верою к тебе  
притекающим, святителю Арсение. / Темже молим

тя, твой рабъ: / печаль нашу в радость преложъ / и от всякия избави скорби твоими молитвами.

**Богородичен:** Страсти моего сердца исцели милостию Твоею, Всепетая, / ум мой умири, и душу мою просвети, / и ходи́ти мя направи на стезю спасительную, / яко да пою Тя, Препетая.

### Песнь 8

**Ирмос:** В печь огненную ко отроком еврейским снизшедшаго / и пламень в росу преложшаго Бога, / пойте, дела, яко Господа / и превозносите во вся веки.

Устроив твою жизнь боголепно, святителю Арсение, / строитель изряден показался еси твоей обители / и светло приятелище Божие.

Чудес глубина и исцелений река, / источник непрестанен, струя, никакоже оскудеваема, / твой рака показася, отче.

Иже к Богу молитвами твоими теплыми / очисти нас от всякия скверны, и скорбей, и болезней / и всякия нужды, святителю Арсение, избави.

**Богородичен:** Пресвятая Дево, Ты мя спаси / и немощи моей буди помощь, / скорбей многих и лютых мя избави, / да Тя славлю, Едину Богородицу.

### Песнь 9

**Ирмос:** Безначальна Родителя Сын, Бог и Господь, / воплощся от Девы, нам явися, / омраченная просветити, собрати расточенная. / Тем Всепетую Богородицу величаем.

Чудеса бо твои многа и исцеления безчисленна / независтно подаваеши с теплою верою приходящим, / Арсение святителю, похвала земли нашей.

Постави тебе Христос Матере Своей церкви / столпа крепка и неподвижима, / соблюдающая и назирающая град твой неподвижим / и святую обитель Свою.

Святители убо и князи благочестивии, / священницы и иноцы и вси людие, / мужи и жены, и старцы со младенцы, / и всяк возраст, и всяко состояние, / святителю нашему Арсению светло празднуем.

**Богородичен:** Моли Твоего Сына, Госпоже Пре-

чи́стая Богоро́дице, / изба́вити мя в день стра́шна-  
го осужде́ния, / да, ра́дуясь, пе́снями велича́ю Тя.

### Свети́лен:

Восхва́лим днесь пе́снями вели́каго па́стыря и  
учи́теля, Арсе́ния Богому́драго: / сей бо измла́да  
возлюби́ Христа́ и Пречи́стую Его́ Ма́терь, / с  
Нею́же ны́не мо́лит Христа́ Бо́га поми́ловати ду́ши  
на́ша.

### Богоро́дичен:

И́же от Бо́га ми́ру по́данным благи́м Ты вина́ была́  
еси́, Богоро́дице, / но и ны́не ми́лостива сотвори́ о  
о́бщем спасе́нии благопреме́ннаго Бо́га.

### На хвали́тех стихи́ры, глас 2.

Подóбен: Кйими похва́льными:

Кйими похва́льными венцы́ / увязе́м святы́теля? /  
благоче́стия управле́ние, целому́дрия рачи́теля, /  
све́тлое Це́ркве украше́ние, / исто́чника Боже́-  
ственных исцеле́ний, / проли́тие дарова́ний духо́в-  
ных, / реку́ мно́гих чуде́с, / зе́млю на́шу веселя́щу, /  
дйвнаго чудотво́рца Арсе́ния, / предста́теля на́ше-  
го и храни́теля.

Кйими духо́вными пе́снями / похва́лим Арсе́ния  
свяще́ннаго? / дйвнаго в чуде́сах и Безплóтным  
сожи́теля, / освяще́ннаго от пелён, столпа́ Це́ркви  
неподви́жима, / весе́лие земли́ на́шей, / йноком  
люби́теля, / яко войсти́нну отца́ чадолю́бива / и  
больны́м врача́ безме́дна.

Кйими пе́сенными добро́тами / ублажи́м Арсе́-  
ния досточу́днаго? / печа́льным утеше́ние, отча́ян-  
ным засту́пника, / йноком утвержде́ние, / похвалу́  
земли́ на́шей, / святы́телем украше́ние, / реку́ ми́ло-  
сти войсти́нну, / Боже́ственного Христа́ва смире́-  
ния ревни́теля, / подаю́щаго ми́рови ве́лию  
ми́лость.

### Слава, глас 8. Самогласен:

Прииди́те, стеце́мся вси к Боже́ственной па́мяти  
отца́ на́шего, / изряднаго чудотво́рца Арсе́ния, /  
сей бо, от ю́ности желáние Боже́ственное в се́рдцы  
своём при́йм / и возлюбив Христа́ и Пречи́стую Его́  
Ма́терь, / Ёйже и оби́тель сотвори́, и вельми́  
укра́си, / и мно́жество мона́хов собра́. / Тем быв

христоролюбивым князем учитель правых веры, /  
 вельможам твердое защищение, / сирым яко отец  
 милосерд, / вдовицам теплое заступление, / скорбя-  
 щим утешение, болящим исцеление. / Радуйся и  
 веселися, Божия Матере церковь, / яко любимый  
 тобою в тебе почил есть, Богомудрый Арсений. /  
 Но, о Богоблаженный отче! / не престаи моляся о  
 стаде твоём / и о всех, верую чтущих всечестное  
 усмение твоё.

**И ныне, Богородичен:** Владычице, прими мо-  
 литвы раб Твоих:

**Славословие великое. Ектений. И отпуст. Час  
 первый.**

### НА ЛИТУРГИИ

**Блаженны, от канона святого, песни 3-я и 6-я. Прокимен,  
 глас 7:** Честна пред Господем / смерть преподобных Его.  
**Стих:** Что воздам Господеву о всех, яже воздаде ми?  
**Апостол ко Евреям, зачало 311 от полу. Аллилуия, глас 2:**  
 Священницы Твой облечутся в правду, / и преподобнии  
 Твой возрадуются. **Стих:** Блажен муж, бойся Господа, / в  
 заповедех Его восхощет зело. **Евангелие от Матфея,  
 зачало 11. Причasten:** В память вечную будет праведник:

### Молитва

Призри от Горних высот, святителю отче Арсе-  
 ние, на нас, смиренных и грешных, во умилении  
 душ и сердец к тебе прибегающих, верою крепкою  
 на тя уповающих, любовью нелицемерною прося-  
 щих у тебе заступления. Тебе бо молитвенника  
 благоприятнаго вемы ко Всемилостивому Богу.  
 Пролей о нас твои святые молитвы и умоли  
 Человеколюбца Господа не погубити нас со безза-  
 конии нашими, но обратити нас к покаянию и  
 исправлению, да прочее время жития нашего  
 земнаго не в работе греху и страстем, но в делании  
 заповедей Его святых и в благочестии провожда-  
 ем и со благою надеждою достигнем кончины  
 нашея. В час же смертный наипаче явися нам,  
 отче, заступник благий, ускори тогда на молитву о  
 нас, беспомощных, и помози нам со причастием  
 Таинств Божественных мирную и благоую кончину  
 улучшить, грозныя мытарства воздушныя безбедно  
 прейти и унаследовати Горнее Царство. Ей,



святителю Божий, не презри нас и не посрами упования нашего, но буди о нас предстатель немолчный к Богу. Пастырю наш добрый, упаси нас бодренными твоими молитвами и сохрани ненавётны от всякаго зла, да славим неизреченное человеколюбие Бога нашего, Отца и Сына и Святаго Духа, и твоё отеческое заступление, во веки веков. **Аминь.**



**Святитель Арсений, епископ Тверской**, по свидетельству церковного предания, родился в г. Твери. Год его рождения и имена родителей неизвестны. Воспитан он был в благочестии и страхе Божиим. Рано потеряв родителей и оставшись наследником богатого имения, он обратил дом свой в приют для странных и бедных, чем навлек на себя поношение сродников. Отчаявшись одолеть «вражду и брань многу», юноша решил расстаться с миром и молил Господа указать путь. Услышав во сне голос, звавший его в Киев, тайно оставил юноша город Тверь и отправился в Киево-Печерскую обитель, где и принял пострижение. Добродетельный и трудолюбивый инок, который «от юности благодравием Христу усво-

ися», сведущий в церковном уставе, обратил на себя внимание проживавшего тогда в Киеве митрополита Киприана, будущего святителя Московского (†1406; память 16 сентября). Святитель Киприан полюбил инокка Арсения и приблизил к себе, посвятив в сан иеродиакона. Когда святитель Киприан занял престол московской митрополии, он взял с собой в Москву и святого Арсения. Святой Арсений был у Владыки архидиаконом, ему было также поручено письмоводство, он занимался всеми делами, относившимися к внутреннему устройению митрополии.

В то время в Твери возникли сильные разногласия между тверским князем Михаилом Александровичем и оклеветанным епископом Тверским Евфимием. Епископ Евфимий был несправедливо лишен кафедры и сослан в Чудов монастырь в Москве, где вскоре скончался (†1392).

На место епископа Евфимия митрополит Киприан назначил своего архидиакона (в Никоновской летописи протодиакона) Арсения, «мужа дивна и нарочита и добродетелна суца». Святой Арсений долго не соглашался, но не мог противиться воле великого князя Михаила Александровича. Среди епископов, участвовавших в хиротонии святого Арсения 15 августа 1391 года в Спасо-Преображенском кафедральном соборе в г. Твери, был святитель Стефан, епископ Пермский (память 26 апреля).

Вступив на архиерейскую кафедру, святитель Арсений стремился положить конец княжеским распрям, водворить в родной Твери мир и согласие. В 1403 году ему удалось примирить Тверского князя Иоанна Михайловича с братом его Кашинским князем Василием Михайлови-

чем. Святитель Арсений ревностно проповедовал слово Божие и во всем являл пример достойного архипастыря.

Чувствуя приближение своей кончины, Тверской князь Михаил Александрович (+1399) пришел к святителю Арсению с просьбой постричь его в монахи. Святитель Арсений, благодаря Господа, облек князя в иноческий образ и нарек ему имя Матфей. В течение многих лет епископского служения святитель Арсений построил и освятил соборы в честь Архангела Михаила в Старице и Микулине, в честь Святителя Николая в Старице, обновил каменный Спасо-Преображенский кафедральный собор в Твери и заложил новую соборную колокольню. В 20-ти верстах от Твери в 1397 году на реке Тме им был создан Саввин Сретенский монастырь, первыми иноками которого стали преподобные Савва и Варсонофий (память 2 марта), принявшие постриг на Святой Афонской горе.

Не забыл святитель Арсений и обители Киево-Печерской, где начал свои иноческие труды. На берегу реки Тьмаки, в 4-х верстах от Твери, на урочище Желтикове, в 1394 году основал он монастырь, где построена была тогда же деревянная церковь во имя преподобных Антония и Феодосия Печерских. 30 августа 1405 года в Желтикове монастыре святитель Арсений освятил каменный храм в честь Успения Пресвятой Богородицы.

К окончанию строительства Желтикова монастыря по повелению святителя Арсения в 1406 году был сделан список с Киево-Печерского Патерика, самая древняя из дошедших до нашего времени редакций драгоценного памятника русской письменности (первого сборника житий русских святых), получившая в науке название Арсеньевской. Из книг, переписывавшихся по повелению святителя Арсения, сохранились до нашего времени две рукописные «Лествицы» преподобного Иоанна Лествичника (1402 и 1404 годов).

Кончина святителя Арсения последовала Великим постом 1409 года. К так называемому «соборному» воскресенью (воскресенье после первой

седмицы Великого поста, Неделя Православия; в этот день к епископу съезжались священники и составляли епархиальный собор) по обыкновению съехалось в Тверь духовенство. Во вторник святитель Арсений произнес поучение к пастырям, благословил их и распустил собор. Скончался святитель 2 марта.

Святитель Арсений был погребен в Желтиковом монастыре, в притворе правого придела во имя образа Нерукотворного Спаса Успенской церкви, в той самой гробнице, которую изготовил своими руками. По свидетельству летописи, у гроба его совершалось много исцелений с верою приходящих.

В «Иконописном подлиннике» святитель Арсений описывается следующим образом: «Подобием стар, сед, брада аки Сергиева, в схиме, мантия с источники, омофор перекинут чрез плечи кольцами наперед, правая рука благословенна, в левой Евангелие».

Мощи святителя Арсения были обретены нетленными в Желтиковом монастыре в 1483 году. С того же года в Твери было установлено празднование ему по благословению Тверского епископа Вассиана.

На серебряной раке святителя Арсения были изображены семь его чудес: первое — воскрешение рыбака Терентия; второе — дарование сына Иоанну Карташу, третье — исцеление протоиерея Алексия, страдавшего ногами, четвертое — исцеление девицы Устинии Головленковой, пятое — спасение одного человека от удавления; шестое — с покровом святого (когда в 1606 году поляки ворвались в Желтиков монастырь, один всадник сорвал покров над ракой святителя и положил на своего коня. Конь взвился на дыбы и упал вместе с всадником, обоих нашли мертвыми), седьмое — исцеление Григория и жены его, бывших душевнобольных.

Канонизация святителя Арсения состоялась на Московском Соборе 1547 года.

Ко второй памяти святителя Арсения, в первое воскресенье после 29 июня, ныне приурочено празднование Собора тверских святых.

